

דברים

19	18	17	16	15	14	13	12	11	10	9	8	7	6	5	4	3	2	1
34	33	32	31	30	29	28	27	26	25	24	23	22	21	20				

הפרק 1

אלה הדברים אשר דבר משה אל כל ישראל בעבר הירדן במדבר בערבה מול סוף בין פארן ובין תפל ולבן וחצרת ודי זהב

²אחד עשר יום מחרב דרך הר שעיר עד קדש ברנע

³ויהי בארבעים שנה בעשתי עשר חדש באחד לחדש דבר משה אל בני ישראל ככל אשר צוה יהוה אתו אלהם

⁴אחרי הכתו את סיחן מלך האמרי אשר יושב בחשבון ואת עוג מלך הבשן אשר יושב בעשתרת באדרעי

⁵בעבר הירדן בארץ מואב הואיל משה באר את התורה הזאת לאמר

⁶יהוה אלהינו דבר אלינו בחרב לאמר רב לכם שבת בהר הזה

⁷פנו וסעו לכם ובאו הר האמרי ואל כל שכניו בערבה בהר ובשפלה ובנגב ובחוף הים ארץ הכנעני והלבנון עד הנהר הגדל נהר פרת

⁸ראה נתתי לפניכם את הארץ באו ורשו את הארץ אשר נשבע יהוה לאבותיכם לאברהם ליצחק וליעקב לתת להם ולזרעם אחריהם

⁹ואמר אלכם בעת ההוא לאמר לא אוכל לבדי שאת אתכם

¹⁰יהוה אלהיכם הרבה אתכם והנכם היום ככוכבי השמים לרב

¹¹יהוה אלהי אבותכם יסף עליכם ככם אלף פעמים ויברך אתכם כאשר דבר לכם

¹²איכה אשא לבדי טרחכם ומשאכם וריבכם

¹³הבו לכם אנשים חכמים ונבנים וידעים לשבטיכם ואשימם בראשיכם

¹⁴ותענו אתי ותאמרו טוב הדבר אשר דברת לעשות

¹⁵ואקח את ראשי שבטיכם אנשים חכמים וידעים ואתן אתם ראשים עליכם שרי אלפים ושרי מאות ושרי חמשים ושרי עשרת ושטרים לשבטיכם

¹⁶ואצוה את שפטיכם בעת ההוא לאמר שמע בין אחיכם ושפטתם צדק בין איש ובין אחיו ובין גרו

¹⁷לא תכירו פנים במשפט כקטן כגדל תשמעון לא תגורו מפני איש כי המשפט לאלהים הוא והדבר אשר יקשה מכם תקרבון אלי ושמעתי

¹⁸ואצוה אתכם בעת ההוא את כל הדברים אשר תעשון

¹⁹ונסע מחרב ונלך את כל המדבר הגדול והנורא ההוא אשר ראיתם דרך הר האמרי כאשר צוה יהוה אלהינו אתנו ונבא עד קדש ברנע

²⁰ואמר אלכם באתם עד הר האמרי אשר יהוה אלהינו נתן לנו

²¹ראה נתן יהוה אלהיך לפניך את הארץ עלה רש כאשר דבר יהוה אלהי אבתיך לך אל תירא ואל תחת

²²ותקרבון אלי כלכם ותאמרו נשלחה אנשים לפנינו ויחפרו לנו את הארץ וישבו אתנו דבר את הדרך

אשר נעלה בה ואת הערים אשר נבא אליהן

²³ ויִיטב בעיני הדבר ואקח מכם שנים עשר אנשים איש אחד לשבט

²⁴ ויפנו ויעלו ההרה ויבאו עד נחל אשכל וירגלו אתה

²⁵ ויקחו בידם מפרי הארץ ויורדו אלינו וישבו אתנו דבר ויאמרו טובה הארץ אשר יהוה אלהינו נתן לנו

²⁶ ולא אבייתם לעלת ותמרו את פי יהוה אלהיכם

²⁷ ותרגנו באהליכם ותאמרו בשנאת יהוה אתנו הוציאנו מארץ מצרים לתת אתנו ביד האמרי

להשמידנו

²⁸ אנה אנחנו עלים אחינו המסו את לבבנו לאמר עם גדול ורם ממנו ערים גדלות ובצורת בשמים וגם

בני ענקים ראינו שם

²⁹ ואמר אלכם לא תערצון ולא תיראון מהם

³⁰ יהוה אלהיכם ההלך לפניכם הוא ילחם לכם ככל אשר עשה אתכם במצרים לעיניכם

³¹ ובמדבר אשר ראית אשר נשאך יהוה אלהיך כאשר ישא איש את בנו בכל הדרך אשר הלכתם עד

באכם עד המקום הזה

³² ובדבר הזה אינכם מאמינים ביהוה אלהיכם

³³ ההלך לפניכם בדרך לתור לכם מקום לחנתכם באש לילה לראתכם בדרך אשר תלכו בה ובענן

יומם

³⁴ וישמע יהוה את קול דבריכם ויקצף וישבע לאמה

³⁵ אם יראה איש באנשים האלה הדור הרע הזה את הארץ הטובה אשר נשבעתי לתת לאבותיכם

³⁶ זולתי כלב בן יפנה הוא יראנה ולו אתן את הארץ אשר דרך בה ולבניו יען אשר מלא אחרי יהוה

³⁷ גם בי התאנף יהוה בגללכם לאמר גם אתה לא תבא שם

³⁸ יהושע בן נון העמד לפניך הוא יבא שמה אתו חזק כי הוא ינחלנה את ישראל

³⁹ וטפכם אשר אמרתם לבז יהיה ובניכם אשר לא ידעו היום טוב ורע המה יבאו שמה ולהם אתננה

והם יירשון

⁴⁰ ואתם פנו לכם וסעו המדברה דרך ים סוף

⁴¹ ותענו ותאמרו אלי חטאנו ליהוה אנחנו נעלה ונלחמנו ככל אשר צונו יהוה אלהינו ותחגרו איש את

כלי מלחמתו ותהינו לעלת ההרה

⁴² ויאמר יהוה אלי אמר להם לא תעלו ולא תלחמו כי אינני בקרבכם ולא תנגפו לפני איביכם

⁴³ ואדבר אליכם ולא שמעתם ותמרו את פי יהוה ותזדו ותעלו ההרה

⁴⁴ ויצא האמרי הישב בהר ההוא לקראתכם וירדפו אתכם כאשר תעשינה הדברים ויכתו אתכם

בשעיר עד חרמה

⁴⁵ ותשבו ותבכו לפני יהוה ולא שמע יהוה בקלכם ולא האזין אליכם

⁴⁶ ותשבו בקדש ימים רבים כימים אשר ישבתם

הפרק 2

נפן ונסע המדברה דרך ים סוף כאשר דבר יהוה אלי ונסב את הר שעיר ימים רבים

² ויאמר יהוה אלי לאמה

³ רב לכם סב את ההר הזה פנו לכם צפנה

⁴ ואת העם צו לאמר אתם עברים בגבול אחיכם בני עשו הישבים בשעיר וייראו מכם ונשמרתם מאד

⁵ אל תתגרו בהם כי לא אתן לכם מארצם עד מדרך כף רגל כי ירשה לעשו נתתי את הר שעיר

⁶ אכל תשברו מאתם בכסף ואכלתם וגם מים תכרו מאתם בכסף ושתייתם

⁷ כי יהוה אלהיך ברכך בכל מעשה ידך ידע לכתך את המדבר הגדל הזה זה ארבעים שנה יהוה

אלהיך עמך לא חסרת דבר

⁸ ונעבר מאת אחינו בני עשו הישבים בשעיר מדרך הערבה מאילת ומעצין גבר ונפן ונעבר דרך

מדבר מואב

⁹ויאמר יהוה אלי אל תצר את מואב ואל תתגר בם מלחמה כי לא אתן לך מארצו ירשה כי לבני לוט נתתי את ער ירשה

¹⁰האמים לפנים ישבו בה עם גדול ורב ורם כענקים

¹¹רפאים יחשבו אף הם כענקים והמאבים יקראו להם אמים

¹²ובשעיר ישבו החרים לפנים ובני עשו יירשום וישמידום מפניהם וישבו תחתם כאשר עשה ישראל לארץ ירשתו אשר נתן יהוה להם

¹³עתה קמו ועברו לכם את נחל זרד ונעבר את נחל זרד:

¹⁴והימים אשר הלכנו מקדש ברנע עד אשר עברנו את נחל זרד שלשים ושמונה שנה עד תם כל הדור אנשי המלחמה מקרב המחנה כאשר נשבע יהוה להם

¹⁵וגם יד יהוה היתה בם להמם מקרב המחנה עד תמם

¹⁶ויהי כאשר תמו כל אנשי המלחמה למות מקרב העם

¹⁷וידבר יהוה אלי לאמה:

¹⁸אתה עבר היום את גבול מואב את ער:

¹⁹וקרבת מול בני עמון אל תצרם ואל תתגר בם כי לא אתן מארץ בני עמון לך ירשה כי לבני לוט נתתיה ירשה

²⁰ארץ רפאים תחשב אף הוא רפאים ישבו בה לפנים והעמנים יקראו להם זמזמים

²¹עם גדול ורב ורם כענקים וישמידם יהוה מפניהם ויירשם וישבו תחתם

²²כאשר עשה לבני עשו הישבים בשעיר אשר השמיד את החרים מפניהם ויירשם וישבו תחתם עד היום הזה

²³והעוים הישבים בחצרים עד עזה כפתרים היצאים מכפתור השמידם וישבו תחתם

²⁴קומו סעו ועברו את נחל ארנן ראה נתתי בידך את סיחן מלך חשבון האמרי ואת ארצו החל רש והתגר בו מלחמה

²⁵היום הזה אחל תת פחדך ויראתך על פני העמים תחת כל השמים אשר ישמעון שמעך ורגזו וחלו מפניך

²⁶ואשלח מלאכים ממדבר קדמות אל סיחון מלך חשבון דברי שלום לאמה:

²⁷אעברה בארצך בדרך בדרך אלך לא אסור ימין ושמאול

²⁸אכל בכסף תשברני ואכלתי ומים בכסף תתן לי ושתיתי רק אעברה ברגלי:

²⁹כאשר עשו לי בני עשו הישבים בשעיר והמואבים הישבים בער עד אשר אעבר את הירדן אל הארץ אשר יהוה אלהינו נתן לנו

³⁰ולא אבה סיחון מלך חשבון העברנו בו כי הקשה יהוה אלהיך את רוחו ואמץ את לבבו למען תתו בידך כיום הזה

³¹ויאמר יהוה אלי ראה החלתי תת לפניך את סיחון ואת ארצו החל רש לרשת את ארצו

³²ויצא סיחון לקראתנו הוא וכל עמו למלחמה יהצח

³³ויתנהו יהוה אלהינו לפנינו ונך אתו ואת בנו ואת כל עמו

³⁴ונלכד את כל עריו בעת ההוא ונחרם את כל עיר מתם והנשים והטף לא השארנו שריד:

³⁵רק הבהמה בזזנו לנו ושלל הערים אשר לכדנו

³⁶מערער אשר על שפת נחל ארנן והעיר אשר בנחל ועד הגלעד לא היתה קריה אשר שגבה ממנו את הכל נתן יהוה אלהינו לפנינו

³⁷רק אל ארץ בני עמון לא קרבת כל יד נחל יבק וערי ההר וכל אשר צוה יהוה אלהינו

הפרק 3

1 נפן ונעל דרך הבשן ויצא עוג מלך הבשן לקראתנו הוא וכל עמו למלחמה אדרעי:
2 ויאמר יהוה אלי אל תירא אתו כי בידך נתתי אתו ואת כל עמו ואת ארצו ועשית לו כאשר עשית
לסיחן מלך האמרי אשר יושב בחשבון
3 ויתן יהוה אלהינו בידנו גם את עוג מלך הבשן ואת כל עמו ונכהו עד בלתי השאיר לו שריד:
4 ונלכד את כל עריו בעת ההוא לא היתה קריה אשר לא לקחנו מאתם ששים עיר כל חבל ארגב
ממלכת עוג בבשן
5 כל אלה ערים בצרות חומה גבהה דלתים ובריח לבד מערי הפרזי הרבה מאד:
6 ונחרם אותם כאשר עשינו לסיחן מלך חשבון החרם כל עיר מתם הנשים והטף
7 וכל הבהמה ושלל הערים בזונו לנו
8 ונקח בעת ההוא את הארץ מיד שני מלכי האמרי אשר בעבר הירדן מנחל ארנן עד הר חרמון
9 צידנים יקראו לחרמון שרין והאמרי יקראו לו שניה
10 כל ערי המישר וכל הגלעד וכל הבשן עד סלכה ואדרעי ערי ממלכת עוג בבשן
11 כי רק עוג מלך הבשן נשאר מיתר הרפאים הנה ערשו ערש ברזל הלה הוא ברבת בני עמון תשע
אמות ארכה וארבע אמות רחבה באמת איש
12 ואת הארץ הזאת ירשנו בעת ההוא מערער אשר על נחל ארנן וחצי הר הגלעד ועריו נתתי לראובני
ולגד:
13 ויתר הגלעד וכל הבשן ממלכת עוג נתתי לחצי שבט המנשה כל חבל הארגב לכל הבשן ההוא
יקרא ארץ רפאים
14 יאיר בן מנשה לקח את כל חבל ארגב עד גבול הגשורי והמעכתי ויקרא אתם על שמו את הבשן
חות יאיר עד היום הזה
15 ולמכיר נתתי את הגלעד:
16 ולראובני ולגדי נתתי מן הגלעד ועד נחל ארנן תוך הנחל וגבל ועד יבק הנחל גבול בני עמון
17 והערבה והירדן וגבל מכנרת ועד ים הערבה ים המלח תחת אשדת הפסגה מזרח
18 ואצו אתכם בעת ההוא לאמר יהוה אלהיכם נתן לכם את הארץ הזאת לרשתה חלוצים תעברו
לפני אחיכם בני ישראל כל בני חיל
19 רק נשיכם וטפכם ומקנכם ידעתי כי מקנה רב לכם ישבו בעריכם אשר נתתי לכם
20 עד אשר יניח יהוה לאחיכם ככם וירשו גם הם את הארץ אשר יהוה אלהיכם נתן להם בעבר הירדן
ושבתם איש לירשתו אשר נתתי לכם
21 ואת יהושוע צויתי בעת ההוא לאמר עיניך הראת את כל אשר עשה יהוה אלהיכם לשני המלכים
האלה כן יעשה יהוה לכל הממלכות אשר אתה עבר שמח
22 לא תיראום כי יהוה אלהיכם הוא הנלחם לכם
23 ואתחנן אל יהוה בעת ההוא לאמר
24 אדני יהוה אתה החלות להראות את עבדך את גדלך ואת ידך החזקה אשר מי אל בשמים ובארץ
אשר יעשה כמעשיך וכגבורתך
25 אעברה נא ואראה את הארץ הטובה אשר בעבר הירדן ההר הטוב הזה והלבנון
26 ויתעבר יהוה בי למענכם ולא שמע אלי ויאמר יהוה אלי רב לך אל תוסף דבר אלי עוד בדבר הזה
27 עלה ראש הפסגה ושם עיניך ימה וצפנה ותימנה ומזרחה וראה בעיניך כי לא תעבר את הירדן הזה
28 וצו את יהושע וחזקו ואמצו כי הוא יעבר לפני העם הזה והוא ינחיל אותם את הארץ אשר
תראה
29 ונשב בגיא מול בית פעור

הפרק 4

| עתה ישראל שמע אל החקים ואל המשפטים אשר אנכי מלמד אתכם לעשות למען תחיו ובאתם
 וירשתם את הארץ אשר יהוה אלהי אבותיכם נתן לכם
² לא תספו על הדבר אשר אנכי מצוה אתכם ולא תגרעו ממנו לשמר את מצות יהוה אלהיכם אשר
 אנכי מצוה אתכם
³ עיניכם הראת את אשר עשה יהוה בבעל פעור כי כל האיש אשר הלך אחרי בעל פעור השמידו
 יהוה אלהיך מקרבך
⁴ ואתם הדבקים ביהוה אלהיכם חיים כלכם היום
⁵ ראה למדתי אתכם חקים ומשפטים כאשר צוני יהוה אלהי לעשות כן בקרב הארץ אשר אתם באים
 שמה לרשתה
⁶ ושמרתם ועשיתם כי הוא חכמתכם ובינתכם לעיני העמים אשר ישמעון את כל החקים האלה
 ואמרו רק עם חכם ונבון הגוי הגדול הזה
⁷ כי מי גוי גדול אשר לו אלהים קרבים אליו כיהוה אלהינו בכל קראנו אליו
⁸ ומי גוי גדול אשר לו חקים ומשפטים צדיקים ככל התורה הזאת אשר אנכי נתן לפניכם היום
⁹ רק השמר לך ושמר נפשך מאד פן תשכח את הדברים אשר ראו עיניך ופן יסורו מלבבך כל ימי
 חיך והודעתם לבניך ולבני בניך
¹⁰ יום אשר עמדת לפני יהוה אלהיך בחרב באמר יהוה אלי הקהל לי את העם ואשמעם את דברי
 אשר ילמדון ליראה אתי כל הימים אשר הם חיים על האדמה ואת בניהם ילמדון
¹¹ ותקרבון ותעמדון תחת ההר וההר בער באש עד לב השמים חשך ענן וערפל
¹² וידבר יהוה אליכם מתוך האש קול דברים אתם שמעים ותמונה אינכם ראים זולתי קול
¹³ ויגד לכם את בריתו אשר צוה אתכם לעשות עשרת הדברים ויכתבם על שני לוחות אבנים
¹⁴ ואתי צוה יהוה בעת ההוא ללמד אתכם חקים ומשפטים לעשותכם אתם בארץ אשר אתם עברים
 שמה לרשתה
¹⁵ ונשמרתם מאד לנפשתיכם כי לא ראיתם כל תמונה ביום דבר יהוה אליכם בחרב מתוך האש
¹⁶ פן תשחתון ועשיתם לכם פסל תמונת כל סמל תבנית זכר או נקבה
¹⁷ תבנית כל בהמה אשר בארץ תבנית כל צפור כנף אשר תעוף בשמים
¹⁸ תבנית כל רמש באדמה תבנית כל דגה אשר במים מתחת לארץ
¹⁹ ופן תשא עיניך השמימה וראית את השמש ואת הירח ואת הכוכבים כל צבא השמים ונדחת
 והשתחוית להם ועבדתם אשר חלק יהוה אלהיך אתם לכל העמים תחת כל השמים
²⁰ ואתכם לקח יהוה ויוצא אתכם מכור הברזל ממצרים להיות לו לעם נחלה כיום הזה
²¹ ויהוה התאנף בי על דבריכם וישבע לבלתי עברי את הירדן ולבלתי בא אל הארץ הטובה אשר
 יהוה אלהיך נתן לך נחלה
²² כי אנכי מת בארץ הזאת אינני עבר את הירדן ואתם עברים וירשתם את הארץ הטובה הזאת
²³ השמרו לכם פן תשכחו את ברית יהוה אלהיכם אשר כרת עמכם ועשיתם לכם פסל תמונת כל
 אשר צוץ יהוה אלהיך
²⁴ כי יהוה אלהיך אש אכלה הוא אל קנא
²⁵ כי תוליד בנים ובני בנים ונושנתם בארץ והשחתם ועשיתם פסל תמונת כל ועשיתם הרע בעיני
 יהוה אלהיך להכעיסו
²⁶ העידתי בכם היום את השמים ואת הארץ כי אבד תאבדון מהר מעל הארץ אשר אתם עברים את
 הירדן שמה לרשתה לא תאריכן ימים עליה כי השמד תשמדון
²⁷ והפיץ יהוה אתכם בעמים ונשאתם מתי מספר בגוים אשר ינהג יהוה אתכם שמה
²⁸ ועבדתם שם אלהים מעשה ידי אדם עץ ואבן אשר לא יראון ולא ישמעון ולא יאכלון ולא יריחון
²⁹ ובקשתם משם את יהוה אלהיך ומצאת כי תדרשנו בכל לבבך ובכל נפשך
³⁰ בצר לך ומצאוך כל הדברים האלה באחרית הימים ושבת עד יהוה אלהיך ושמעת בקלו
³¹ כי אל רחום יהוה אלהיך לא ירפך ולא ישחיתך ולא ישכח את ברית אבתיך אשר נשבע להם

³² כי שאל נא לימים ראשנים אשר היו לפניך למן היום אשר ברא אלהים אדם על הארץ ולמקצה השמים ועד קצה השמים הנהיה כדבר הגדול הזה או הנשמע כמהו

³³ השמע עם קול אלהים מדבר מתוך האש כאשר שמעת אתה ויחי!

³⁴ או הנסה אלהים לבוא לקחת לו גוי מקרב גוי במסת באתת ובמופתים ובמלחמה וביד חזקה ובזרוע נטויה ובמוראים גדלים ככל אשר עשה לכם יהוה אלהיכם במצרים לעיניך

³⁵ אתה הראת לדעת כי יהוה הוא האלהים אין עוד מלבדו

³⁶ מן השמים השמיעך את קלו ליסרך ועל הארץ הראך את אשו הגדולה ודבריו שמעת מתוך האש

³⁷ ותחת כי אהב את אבתיך ויבחר בזרעו אחריו ויוצאך בפניו בכחו הגדל ממצרים

³⁸ להוריש גוים גדלים ועצמים ממך מפניך להביאך לתת לך את ארצם נחלה כיום הזה

³⁹ וידעת היום והשבת אל לבבך כי יהוה הוא האלהים בשמים ממעל ועל הארץ מתחת אין עוד:

⁴⁰ ושמרת את חקיו ואת מצותיו אשר אנכי מצוך היום אשר ייטב לך ולבניך אחריו ולמען תאריך ימים על האדמה אשר יהוה אלהיך נתן לך כל הימים

⁴¹ אז יבדיל משה שלש ערים בעבר הירדן מזרחה שמש

⁴² לנס שמה רוצח אשר ירצח את רעהו בבלי דעת והוא לא שנא לו מתמול שלשום ונס אל אחת מן הערים האל וחי!

⁴³ את בצר במדבר בארץ המישר לראובני ואת ראמת בגלעד לגדי ואת גולן בבשן למנשי!

⁴⁴ וזאת התורה אשר שם משה לפני בני ישראל

⁴⁵ אלה העדת והחקים והמשפטים אשר דבר משה אל בני ישראל בצאתם ממצרים

⁴⁶ בעבר הירדן בגיא מול בית פעור בארץ סיחן מלך האמרי אשר יושב בחשבון אשר הכה משה ובני ישראל בצאתם ממצרים

⁴⁷ ויירשו את ארצו ואת ארץ עוג מלך הבשן שני מלכי האמרי אשר בעבר הירדן מזרח שמש

⁴⁸ מערער אשר על שפת נחל ארנן ועד הר שיאן הוא חרמון

⁴⁹ וכל הערבה עבר הירדן מזרחה ועד ים הערבה תחת אשדת הפסגה

הפרק 5

יקרא משה אל כל ישראל ויאמר אלהם שמע ישראל את החקים ואת המשפטים אשר אנכי דבר באזניכם היום ולמדתם אתם ושמרתם לעשתם

² יהוה אלהינו כרת עמנו ברית בחרב

³ לא את אבותינו כרת יהוה את הברית הזאת כי אתנו אנחנו אלה פה היום כלנו חיים

⁴ פנים בפנים דבר יהוה עמכם בהר מתוך האש

⁵ אנכי עמד בין יהוה וביניכם בעת ההוא להגיד לכם את דבר יהוה כי יראתם מפני האש ולא עליתם בהר לאמה

⁶ אנכי יהוה אלהיך אשר הוצאתיך מארץ מצרים מבית עבדים

⁷ לא יהיה לך אלהים אחרים על פני

⁸ לא תעשה לך פסל כל תמונה אשר בשמים ממעל ואשר בארץ מתחת ואשר במים מתחת לארץ

⁹ לא תשתחוה להם ולא תעבדם כי אנכי יהוה אלהיך אל קנא פקד עון אבות על בנים ועל שלשים ועל רבעים לשנאי

¹⁰ ועשה חסד לאלפים לאהבי ולשמרי מצותו

¹¹ לא תשא את שם יהוה אלהיך לשוא כי לא ינקה יהוה את אשר ישא את שמו לשוא

¹² שמור את יום השבת לקדשו כאשר צוך יהוה אלהיך

¹³ ששת ימים תעבד ועשית כל מלאכתך

¹⁴ ויום השביעי שבת ליהוה אלהיך לא תעשה כל מלאכה אתה ובנך ובתך ועבדך ואמתך ושורך וחמרך וכל בהמתך וגרך אשר בשעריך למען ינוח עבדך ואמתך כמוך

¹⁵וזכרת כי עבד היית בארץ מצרים ויצאך יהוה אלהיך משם ביד חזקה ובזרע נטויה על כן צוך יהוה אלהיך לעשות את יום השבת

¹⁶כבד את אביך ואת אמך כאשר צוך יהוה אלהיך למען יאריך ימך ולמען ייטב לך על האדמה אשר יהוה אלהיך נתן לך

¹⁷לא תרצח

¹⁸ולא תנאף

¹⁹ולא תגנב

²⁰ולא תענה ברעך עד שוא

²¹ולא תחמד אשת רעך ולא תתאוה בית רעך שדהו ועבדו ואמתו שורו וחמרו וכל אשר לרעך

²²את הדברים האלה דבר יהוה אל כל קהלכם בהר מתוך האש הענן והערפל קול גדול ולא יסף ויכתבם על שני לוחות אבנים ויתנם אלי

²³ויהי כשמעכם את הקול מתוך החשך וההר בער באש ותקרבון אלי כל ראשי שבטיכם וזקניכם

²⁴ותאמרו הן הראנו יהוה אלהינו את כבודו ואת גדלו ואת קלו שמענו מתוך האש היום הזה ראינו כי ידבר אלהים את האדם וחי

²⁵ועתה למה נמות כי תאכלנו האש הגדלה הזאת אם יספים אנחנו לשמע את קול יהוה אלהינו עוד ומתנו

²⁶כי מי כל בשר אשר שמע קול אלהים חיים מדבר מתוך האש כמנו וחי

²⁷קרב אתה ושמע את כל אשר יאמר יהוה אלהינו ואת תדבר אלינו את כל אשר ידבר יהוה אלהינו אליך ושמענו ועשינו

²⁸וישמע יהוה את קול דבריכם בדברכם אלי ויאמר יהוה אלי שמעתי את קול דברי העם הזה אשר דברו אליך היטיבו כל אשר דברו

²⁹מי יתן והיה לבבם זה להם ליראה אתי ולשמר את כל מצותי כל הימים למען ייטב להם ולבניהם לעלם

³⁰לך אמר להם שובו לכם לאהליכם

³¹ואתה פה עמד עמדי ואדברה אליך את כל המצוה והחקים והמשפטים אשר תלמדם ועשו בארץ אשר אנכי נתן להם לרשתה

³²ושמרתם לעשות כאשר צוה יהוה אלהיכם אתכם לא תסרו ימין ושמאל

³³בכל הדרך אשר צוה יהוה אלהיכם אתכם תלכו למען תחיון וטוב לכם והארכתם ימים בארץ אשר תירשון

הפרק 6

1 זאת המצוה החקים והמשפטים אשר צוה יהוה אלהיכם ללמד אתכם לעשות בארץ אשר אתם עברים שמה לרשתה

²למען תירא את יהוה אלהיך לשמר את כל חקתיו ומצותיו אשר אנכי מצוך אתה ובנך ובן בנך כל ימי חיך ולמען יארכן ימך

³ושמעת ישראל ושמרת לעשות אשר ייטב לך ואשר תרבו מאד כאשר דבר יהוה אלהי אבתיך לך ארץ זבת חלב ודבש

⁴שמע ישראל יהוה אלהינו יהוה אחד

⁵ואהבת את יהוה אלהיך בכל לבבך ובכל נפשך ובכל מאדך

⁶והיו הדברים האלה אשר אנכי מצוך היום על לבבך

⁷ושננתם לבניך ודברת בם בשבתך בביתך ובלכתך בדרך ובשכבך ובקומך

⁸וקשרתם לאות על ירך והיו לטטפת בין עיניך

⁹וכתבתם על מזוזת ביתך ובשעריך

¹⁰והיה כי יביאך יהוה אלהיך אל הארץ אשר נשבע לאבתיך לאברהם ליצחק וליעקב לתת לך ערים

גדלת וטבת אשר לא בנית

¹¹ובתים מלאים כל טוב אשר לא מלאת וברת חצובים אשר לא חצבת כרמים וזיתים אשר לא נטעת ואכלת ושבעת

¹²השמר לך פן תשכח את יהוה אשר הוציאך מארץ מצרים מבית עבדים

¹³את יהוה אלהיך תירא ואתו תעבד ובשמו תשבע

¹⁴לא תלכון אחרי אלהים אחרים מאלהי העמים אשר סביבותיכם

¹⁵כי אל קנא יהוה אלהיך בקרבך פן יחרה אף יהוה אלהיך בך והשמידך מעל פני האדמה

¹⁶לא תנסו את יהוה אלהיכם כאשר נסיתם במסה

¹⁷שמור תשמרון את מצות יהוה אלהיכם ועדתיו וחקיו אשר צוך

¹⁸ועשית הישר והטוב בעיני יהוה למען ייטב לך ובאת וירשת את הארץ הטבה אשר נשבע יהוה לאבותיך

¹⁹להדף את כל איביך מפניך כאשר דבר יהוה

²⁰כי ישאלך בנך מחר לאמר מה העדת והחקים והמשפטים אשר צוה יהוה אלהינו אתכם

²¹ואמרת לבנך עבדים היינו לפרעה במצרים ויוציאנו יהוה ממצרים ביד חזקה

²²ויתן יהוה אותות ומפתים גדלים ורעים במצרים בפרעה ובכל ביתו לעינינו

²³ואותנו הוציא משם למען הביא אתנו לתת לנו את הארץ אשר נשבע לאבותינו

²⁴ויצונו יהוה לעשות את כל החקים האלה ליראה את יהוה אלהינו לטוב לנו כל הימים לחיתנו כהיום הזה

²⁵וצדקה תהיה לנו כי נשמר לעשות את כל המצוה הזאת לפני יהוה אלהינו כאשר צונו

הפרק 7

כי יביאך יהוה אלהיך אל הארץ אשר אתה בא שמה לרשתה ונשל גוים רבים מפניך החתי והגרגשי והאמרי והכנעני והפרזי והחוי והיבوسی שבעה גוים רבים ועצומים ממך

²ונתנם יהוה אלהיך לפניך והכיתם החרם תחרים אתם לא תכרת להם ברית ולא תחנם

³ולא תתחתן בם בתך לא תתן לבנו ובתו לא תקח לבנך

⁴כי יסיר את בנך מאחרי ועבדו אלהים אחרים וחרה אף יהוה בכם והשמידך מהה

⁵כי אם כה תעשו להם מזבחתיים תתצו ומצבתם תשברו ואשירהם תגדעון ופסיליהם תשרפון באש

⁶כי עם קדוש אתה ליהוה אלהיך בך בחר יהוה אלהיך להיות לו עם סגלה מכל העמים אשר על פני האדמה

⁷לא מרבכם מכל העמים חשק יהוה בכם ויבחר בכם כי אתם המעט מכל העמים

⁸כי מאהבת יהוה אתכם ומשמרו את השבעה אשר נשבע לאבותיכם הוציא יהוה אתכם ביד חזקה

ויפדך מבית עבדים מיד פרעה מלך מצרים

⁹וידעת כי יהוה אלהיך הוא האלהים האל הנאמן שמר הברית והחסד לאהביו ולשמרי מצותו לאלף דור

¹⁰ומשלם לשנאיו אל פניו להאבידו לא יאחר לשנאו אל פניו ישלם לו

¹¹ושמרת את המצוה ואת החקים ואת המשפטים אשר אנכי מצוך היום לעשותם

¹²והיה עקב תשמעון את המשפטים האלה ושמרתם ועשיתם אתם ושמר יהוה אלהיך לך את

הברית ואת החסד אשר נשבע לאבותיך

¹³ואהבך וברכך והרבך וברך פרי בטנך ופרי אדמתך דגנך ותירשך ויצהרך שגר אלפיך ועשתרת

צאנך על האדמה אשר נשבע לאבותיך לתת לך

¹⁴ברוך תהיה מכל העמים לא יהיה בך עקר ועקרה ובבהמתך

¹⁵והסיר יהוה ממך כל חלי וכל מדוי מצרים הרעים אשר ידעת לא ישימם בך ונתנם בכל שנאיך

¹⁶ואכלת את כל העמים אשר יהוה אלהיך נתן לך לא תחס עינך עליהם ולא תעבד את אלהיהם כי

מוקש הוא לך

¹⁷כי תאמר בלבבך רבים הגוים האלה ממני איכה אוכל להורישם

¹⁸לא תירא מהם זכר תזכר את אשר עשה יהוה אלהיך לפרעה ולכל מצרים

¹⁹המסת הגדלת אשר ראו עיניך והאתת והמפתים והיד החזקה והזרע הנטויה אשר הוצאך יהוה אלהיך כן יעשה יהוה אלהיך לכל העמים אשר אתה ירא מפניהם

²⁰וגם את הצרעה ישלח יהוה אלהיך בם עד אבד הנשארים והנסתרים מפניך

²¹לא תערץ מפניהם כי יהוה אלהיך בקרבך אל גדול ונורא

²²ונשל יהוה אלהיך את הגוים האל מפניך מעט מעט לא תוכל כלתם מהר פן תרבה עליך חית השדה

²³ונתנם יהוה אלהיך לפניך והמם מהומה גדלה עד השמדם

²⁴ונתן מלכיהם בידך והאבדת את שמם מתחת השמים לא יתיצב איש בפניך עד השמדך אתם

²⁵פסילי אלהיהם תשרפון באש לא תחמד כסף וזהב עליהם ולקחת לך פן תוקש בו כי תועבת יהוה אלהיך הוא

²⁶ולא תביא תועבה אל ביתך והיית חרם כמהו שקץ תשקצנו ותעב תתעבנו כי חרם הוא

הפרק 8

כל המצוה אשר אנכי מצוך היום תשמרון לעשות למען תחיון ורבייתם ובאתם וירשתם את הארץ אשר נשבע יהוה לאבותיכם

²וזכרת את כל הדרך אשר הליכך יהוה אלהיך זה ארבעים שנה במדבר למען ענתך לנסתך לדעת את אשר בלבבך התשמר מצותו אם לא

³ויענך וירעבך ויאכלך את המן אשר לא ידעת ולא ידעון אבתיך למען הודעך כי לא על הלחם לבדו יחיה האדם כי על כל מוצא פי יהוה יחיה האדם

⁴שמלתך לא בלתה מעליך ורגלך לא בצקה זה ארבעים שנה

⁵וידעת עם לבבך כי כאשר ייסר איש את בנו יהוה אלהיך מיסרך

⁶ושמרת את מצות יהוה אלהיך ללכת בדרכיו וליראה אתו

⁷כי יהוה אלהיך מביאך אל ארץ טובה ארץ נחלי מים עינת ותהמת יצאים בבקעה ובהר

⁸ארץ חטה ושערה וגפן ותאנה ורמון ארץ זית שמן ודבש

⁹ארץ אשר לא במסכנת תאכל בה לחם לא תחסר כל בה ארץ אשר אבניה ברזל ומהרריה תחצב נחשת

¹⁰ואכלת ושבעת וברכת את יהוה אלהיך על הארץ הטבה אשר נתן לך

¹¹השמר לך פן תשכח את יהוה אלהיך לבלתי שמר מצותיו ומשפטיו וחקתיו אשר אנכי מצוך היום ¹²פן תאכל ושבעת ובתים טובים תבנה וישבת

¹³ובקרך וצאנך ירבין וכסף וזהב ירבה לך וכל אשר לך ירבה

¹⁴ורם לבבך ושכחת את יהוה אלהיך המוציאך מארץ מצרים מבית עבדים

¹⁵המוליכך במדבר הגדל והנורא נחש שרף ועקרב וצמאון אשר אין מים המוציא לך מים מצור החלמיש

¹⁶המאכלך מן המדבר אשר לא ידעון אבתיך למען ענתך ולמען נסתך להיטבך באחריתך

¹⁷ואמרת בלבבך כחי ועצם ידי עשה לי את החיל הזה

¹⁸וזכרת את יהוה אלהיך כי הוא הנתן לך כח לעשות חיל למען הקים את בריתו אשר נשבע לאבתיך כיום הזה

¹⁹והיה אם שכח תשכח את יהוה אלהיך והלכת אחרי אלהים אחרים ועבדתם והשתחווית להם העדתי בכם היום כי אבד תאבדון

²⁰כגוים אשר יהוה מאביד מפניכם כן תאבדון עקב לא תשמעון בקול יהוה אלהיכם

שמע ישראל אתה עבר היום את הירדן לבא לרשת גוים גדלים ועצמים ממך ערים גדלות ובצרת בשמים

²עם גדול ורם בני ענקים אשר אתה ידעת ואתה שמעת מי יתיצב לפני בני ענק

³וידעת היום כי יהוה אלהיך הוא העבר לפניך אש אכלה הוא ישמידם והוא יכניעם לפניך והורשתם והאבדתם מהר כאשר דבר יהוה לך

⁴אל תאמר בלבבך בהדף יהוה אלהיך אתם מלפניך לאמר בצדקתי הביאני יהוה לרשת את הארץ הזאת וברשעת הגוים האלה יהוה מורישם מפניך

⁵לא בצדקתך ובישר לבבך אתה בא לרשת את ארצם כי ברשעת הגוים האלה יהוה אלהיך מורישם מפניך ולמען הקים את הדבר אשר נשבע יהוה לאבותיך לאברהם ליצחק וליעקב

⁶וידעת כי לא בצדקתך יהוה אלהיך נתן לך את הארץ הטובה הזאת לרשתה כי עם קשה ערף אתה

⁷זכר אל תשכח את אשר הקצפת את יהוה אלהיך במדבר למן היום אשר יצאת מארץ מצרים עד באכם עד המקום הזה ממרים הייתם עם יהוה

⁸ובחרב הקצפתם את יהוה ויתאנף יהוה בכם להשמיד אתכם

⁹בעלתי ההרה לקחת לוחת האבנים לוחת הברית אשר כרת יהוה עמכם ואשב בהר ארבעים יום וארבעים לילה לחם לא אכלתי ומים לא שתיתי

¹⁰ויתן יהוה אלי את שני לוחת האבנים כתבים באצבע אלהים ועליהם ככל הדברים אשר דבר יהוה עמכם בהר מתוך האש ביום הקהל

¹¹ויהי מקץ ארבעים יום וארבעים לילה נתן יהוה אלי את שני לוחת האבנים לוחת הברית

¹²ויאמר יהוה אלי קום רד מהר מזה כי שחת עמך אשר הוצאת ממצרים סרו מהר מן הדרך אשר צויתם עשו להם מסכה

¹³ויאמר יהוה אלי לאמר ראיתי את העם הזה והנה עם קשה ערף הוא

¹⁴הרף ממני ואשמידם ואמחה את שמם מתחת השמים ואעשה אותך לגוי עצום ורב ממנו

¹⁵ואפן וארד מן ההר וההר בער באש ושני לוחת הברית על שתי ידי

¹⁶וארא והנה חטאתם ליהוה אלהיכם עשיתם לכם עגל מסכה סרתם מהר מן הדרך אשר צוה יהוה אתכם

¹⁷ואתפש בשני הלחת ואשלכם מעל שתי ידי ואשברם לעיניכם

¹⁸ואתנפל לפני יהוה כראשנה ארבעים יום וארבעים לילה לחם לא אכלתי ומים לא שתיתי על כל חטאתכם אשר חטאתם לעשות הרע בעיני יהוה להכעיסו

¹⁹כי יגרתי מפני האף והחמה אשר קצף יהוה עליכם להשמיד אתכם וישמע יהוה אלי גם בפעם ההוא

²⁰ובאהרן התאנף יהוה מאד להשמידו ואתפלל גם בעד אהרן בעת ההוא

²¹ואת חטאתכם אשר עשיתם את העגל לקחתי ואשרף אתו באש ואכת אתו טחון היטב עד אשר דק לעפר ואשלך את עפרו אל הנחל הירד מן ההר

²²ובתבערה ובמסה ובקברת התאוה מקצפים הייתם את יהוה

²³ובשלח יהוה אתכם מקדש ברנע לאמר עלו ורשו את הארץ אשר נתתי לכם ותמרו את פי יהוה אלהיכם ולא האמנתם לו ולא שמעתם בקלו

²⁴ממרים הייתם עם יהוה מיום דעתי אתכם

²⁵ואתנפל לפני יהוה את ארבעים היום ואת ארבעים הלילה אשר התנפלתי כי אמר יהוה להשמיד אתכם

²⁶ואתפלל אל יהוה ואמר אדני יהוה אל תשחת עמך ונחלתך אשר פדית בגדלך אשר הוצאת ממצרים ביד חזקה

²⁷זכר לעבדיך לאברהם ליצחק וליעקב אל תפן אל קשי העם הזה ואל רשעו ואל חטאתו

²⁸פן יאמרו הארץ אשר הוצאתנו משם מבלי יכלת יהוה להביאם אל הארץ אשר דבר להם ומשנאתו אותם הוציאם להמתם במדבר ²⁹והם עמך ונחלתך אשר הוצאת בכחך הגדל ובזרעך הנטויה

הפרק 10

בעת ההוא אמר יהוה אלי פסל לך שני לוחת אבנים כראשנים ועלה אלי ההרה ועשית לך ארון עץ ²ואכתב על הלחת את הדברים אשר היו על הלחת הראשנים אשר שברת ושמתם בארון ³ואעש ארון עצי שטים ואפסל שני לחת אבנים כראשנים ואעל ההרה ושני הלחת בידך ⁴ויכתב על הלחת כמכתב הראשון את עשרת הדברים אשר דבר יהוה אליכם בהר מתוך האש ביום הקהל ויתנם יהוה אלי ⁵ואפן וארד מן ההר ואשם את הלחת בארון אשר עשיתי ויהיו שם כאשר צוני יהוה ⁶ובני ישראל נסעו מבארת בני יעקן מוסרה שם מת אהרן ויקבר שם ויכהן אלעזר בנו תחתיו ⁷משם נסעו הגדגדה ומן הגדגדה יטבתה ארץ נחלי מים ⁸בעת ההוא הבדיל יהוה את שבט הלוי לשאת את ארון ברית יהוה לעמד לפני יהוה לשרתו ולברך בשמו עד היום הזה ⁹על כן לא היה ללוי חלק ונחלה עם אחיו יהוה הוא נחלתו כאשר דבר יהוה אלהיך לו ¹⁰ואנכי עמדתי בהר כימים הראשנים ארבעים יום וארבעים לילה וישמע יהוה אלי גם בפעם ההוא לא אבה יהוה השחיתך ¹¹ויאמר יהוה אלי קום לך למסע לפני העם ויבאו וירשו את הארץ אשר נשבעתי לאבתם לתת להם ¹²ועתה ישראל מה יהוה אלהיך שאל מעמך כי אם ליראה את יהוה אלהיך ללכת בכל דרכיו ולאהבה אתו ולעבד את יהוה אלהיך בכל לבבך ובכל נפשך ¹³לשמר את מצות יהוה ואת חקתיו אשר אנכי מצוך היום לטוב לך ¹⁴הן ליהוה אלהיך השמים ושמי השמים הארץ וכל אשר בה ¹⁵רק באבתיך חשק יהוה לאהבה אותם ויבחר בזרעם אחריהם בכם מכל העמים כיום הזה ¹⁶ומלתם את ערלת לבבכם וערפכם לא תקשו עוד: ¹⁷כי יהוה אלהיכם הוא אלהי האלהים ואדני האדנים האל הגדל הגבר והנורא אשר לא ישא פנים ולא יקח שחד: ¹⁸עשה משפט יתום ואלמנה ואהב גר לתת לו לחם ושמלה ¹⁹ואהבתם את הגר כי גרים הייתם בארץ מצרים ²⁰את יהוה אלהיך תירא אתו תעבד ובו תדבק ובשמו תשבע ²¹הוא תהלתך והוא אלהיך אשר עשה אתך את הגדלת ואת הנוראת האלה אשר ראו עיניך ²²בשבעים נפש ירדו אבתיך מצרימה ועתה שמך יהוה אלהיך ככוכבי השמים לרב

הפרק 11

אהבת את יהוה אלהיך ושמרת משמרתו וחקתיו ומשפטיו ומצותיו כל הימים ²וידעתם היום כי לא את בניכם אשר לא ידעו ואשר לא ראו את מוסר יהוה אלהיכם את גדלו את ידו החזקה וזרעו הנטויה ³ואת אתתיו ואת מעשיו אשר עשה בתוך מצרים לפרעה מלך מצרים ולכל ארצו ⁴ואשר עשה לחיל מצרים לסוסיו ולרכבו אשר הציף את מי ים סוף על פניהם ברדפם אחריכם ויאבדם יהוה עד היום הזה ⁵ואשר עשה לכם במדבר עד באכם עד המקום הזה ⁶ואשר עשה לדתן ולאבירים בני אליאב בן ראובן אשר פצתה הארץ את פיה ותבלעם ואת בתיהם

ואת אהליהם ואת כל היקום אשר ברגליהם בקרב כל ישראל
7 כי עיניכם הראת את כל מעשה יהוה הגדל אשר עשה
8 ושמרתם את כל המצוה אשר אנכי מצוך היום למען תחזקו ובאתם וירשתם את הארץ אשר אתם
עברים שמה לרשתה
9 ולמען תאריכו ימים על האדמה אשר נשבע יהוה לאבותיכם לתת להם ולזרעם ארץ זבת חלב ודבש
10 כי הארץ אשר אתה בא שמה לרשתה לא כארץ מצרים הוא אשר יצאתם משם אשר תזרע את
זרעך והשקית ברגלך כגן הירק
11 והארץ אשר אתם עברים שמה לרשתה ארץ הרים ובקעת למטר השמים תשתה מים
12 ארץ אשר יהוה אלהיך דרש אתה תמיד עיני יהוה אלהיך בה מרשית השנה ועד אחרית שנה
13 והיה אם שמע תשמעו אל מצותי אשר אנכי מצוה אתכם היום לאהבה את יהוה אלהיכם ולעבדו
בכל לבבכם ובכל נפשכם
14 ונתתי מטר ארצכם בעתו יורה ומלקוש ואספת דגןך ותירשך ויצהרך
15 ונתתי עשב בשדך לבהמתך ואכלת ושבעת
16 השמרו לכם פן יפתה לבבכם וסרתם ועבדתם אלהים אחרים והשתחוויתם להם
17 וחרה אף יהוה בכם ועצר את השמים ולא יהיה מטר והאדמה לא תתן את יבולה ואבדתם מהרה
מעל הארץ הטבה אשר יהוה נתן לכם
18 ושמתם את דברי אלה על לבבכם ועל נפשכם וקשרתם אתם לאות על ידכם והיו לטוטפת בין
עיניכם
19 ולמדתם אתם את בניכם לדבר בם בשבתך בביתך ובלכתך בדרך ובשכבך ובקומך
20 וכתבתם על מזוזות ביתך ובשעריך
21 למען ירבו ימיכם וימי בניכם על האדמה אשר נשבע יהוה לאבותיכם לתת להם כימי השמים על
הארץ
22 כי אם שמר תשמרון את כל המצוה הזאת אשר אנכי מצוה אתכם לעשתה לאהבה את יהוה
אלהיכם ללכת בכל דרכיו ולדבקה בו
23 והוריש יהוה את כל הגוים האלה מלפניכם וירשתם גוים גדלים ועצמים מכם
24 כל המקום אשר תדרך כף רגלכם בו לכם יהיה מן המדבר והלבנון מן הנהר נהר פרת ועד הים
האחרון יהיה גבלכם
25 לא יתיצב איש בפניכם פחדכם ומוראכם יתן יהוה אלהיכם על פני כל הארץ אשר תדרכו בה
כאשר דבר לכם
26 ראה אנכי נתן לפניכם היום ברכה וקללה
27 את הברכה אשר תשמעו אל מצות יהוה אלהיכם אשר אנכי מצוה אתכם היום
28 והקללה אם לא תשמעו אל מצות יהוה אלהיכם וסרתם מן הדרך אשר אנכי מצוה אתכם היום
ללכת אחרי אלהים אחרים אשר לא ידעתם
29 והיה כי יביאך יהוה אלהיך אל הארץ אשר אתה בא שמה לרשתה ונתתה את הברכה על הר
גרזים ואת הקללה על הר עיבל
30 הלא המה בעבר הירדן אחרי דרך מבוא השמש בארץ הכנעני הישב בערבה מול הגלגל אצל
אלוני מרח
31 כי אתם עברים את הירדן לבא לרשת את הארץ אשר יהוה אלהיכם נתן לכם וירשתם אתה
וישבתם בה
32 ושמרתם לעשות את כל החקים ואת המשפטים אשר אנכי נתן לפניכם היום

הפרק 12

אלה החקים והמשפטים אשר תשמרון לעשות בארץ אשר נתן יהוה אלהי אבותיך לך לרשתה כל הימים אשר אתם חיים על האדמה

²אבד תאבדון את כל המקמות אשר עבדו שם הגוים אשר אתם ירשים אתם את אלהיהם על ההרים הרמים ועל הגבעות ותחת כל עץ רענן

³ונתצתם את מזבחתם ושברתם את מצבתם ואשריהם תשרפון באש ופסילי אלהיהם תגדעון ואבדתם את שמם מן המקום ההוא

⁴לא תעשון כן ליהוה אלהיכם

⁵כי אם אל המקום אשר יבחר יהוה אלהיכם מכל שבטיכם לשום את שמו שם לשכנו תדרשו ובאת שמה

⁶והבאתם שמה עלתיכם וזבחיכם ואת מעשרתיכם ואת תרומת ידכם ונדריכם ונדבתיכם ובכרת בקרכם וצאנכם

⁷ואכלתם שם לפני יהוה אלהיכם ושמתם בכל משלח ידכם ואתם ובתיכם אשר ברכך יהוה אלהיך

⁸לא תעשון ככל אשר אנחנו עשים פה היום איש כל הישר בעיניו

⁹כי לא באתם עד עתה אל המנוחה ואל הנחלה אשר יהוה אלהיך נתן לך

¹⁰ועברתם את הירדן וישבתם בארץ אשר יהוה אלהיכם מנחיל אתכם והניח לכם מכל איביכם מסביב וישבתם בטח

¹¹והיה המקום אשר יבחר יהוה אלהיכם בו לשכן שמו שם שמה תביאו את כל אשר אנכי מצוה אתכם עולתיכם וזבחיכם מעשרתיכם ותרמת ידכם וכל מבחר נדריכם אשר תדרו ליהוה

¹²ושמתם לפני יהוה אלהיכם אתם ובניכם ובנותיכם ועבדיכם ואמהתיכם והלוי אשר בשעריכם כי אין לו חלק ונחלה אתכם

¹³השמר לך פן תעלה עלתיך בכל מקום אשר תראה

¹⁴כי אם במקום אשר יבחר יהוה באחד שבטיך שם תעלה עלתיך ושם תעשה כל אשר אנכי מצוה רק בכל אות נפשך תזבח ואכלת בשר כברכת יהוה אלהיך אשר נתן לך בכל שעריך הטמא והטהור יאכלנו כצבי וכאיל

¹⁶רק הדם לא תאכלו על הארץ תשפכנו כמים

¹⁷לא תוכל לאכל בשעריך מעשר דגנך ותירשך ויצהרך ובכרת בקרך וצאנך וכל נדריך אשר תדר ונדבתיך ותרומת ידך

¹⁸כי אם לפני יהוה אלהיך תאכלנו במקום אשר יבחר יהוה אלהיך בו אתה ובנך ובתך ועבדך ואמתך והלוי אשר בשעריך ושמחת לפני יהוה אלהיך בכל משלח ידך

¹⁹השמר לך פן תעזב את הלוי כל ימך על אדמתך

²⁰כי ירחיב יהוה אלהיך את גבולך כאשר דבר לך ואמרת אכלה בשר כי תאוו נפשך לאכל בשר בכל אות נפשך תאכל בשר

²¹כי ירחק ממך המקום אשר יבחר יהוה אלהיך לשום שמו שם וזבחת מבקר ומצאנך אשר נתן יהוה לך כאשר צויתך ואכלת בשעריך בכל אות נפשך

²²אך כאשר יאכל את הצבי ואת האיל כן תאכלנו הטמא והטהור יחדו יאכלנו

²³רק חזק לבלתי אכל הדם כי הדם הוא הנפש ולא תאכל הנפש עם הבשר

²⁴לא תאכלנו על הארץ תשפכנו כמים

²⁵לא תאכלנו למען ייטב לך ולבניך אחריו כי תעשה הישר בעיני יהוה

²⁶רק קדשיך אשר יהיו לך ונדריך תשא ובאת אל המקום אשר יבחר יהוה

²⁷ועשית עלתיך הבשר והדם על מזבח יהוה אלהיך ודם זבחיך ישפך על מזבח יהוה אלהיך והבשר תאכל

²⁸שמר ושמעת את כל הדברים האלה אשר אנכי מצוה למען ייטב לך ולבניך אחריו עד עולם כי תעשה הטוב והישר בעיני יהוה אלהיך

²⁹כי יכרית יהוה אלהיך את הגוים אשר אתה בא שמה לרשת אותם מפניך וירשת אתם וישבת בארצם

³⁰השמר לך פן תנקש אחריהם אחרי השמדם מפניך ופן תדרש לאלהיהם לאמר איכה יעבדו הגוים האלה את אלהיהם ואעשה כן גם אני:
³¹לא תעשה כן ליהוה אלהיך כי כל תועבת יהוה אשר שנא עשו לאלהיהם כי גם את בניהם ואת בנותיהם ישרפו באש לאלהיהם
³²את כל הדבר אשר אנכי מצוה אתכם אתו תשמרו לעשות לא תסף עליו ולא תגרע ממנו

הפרק 13

כ י יקום בקרבך נביא או חלם חלום ונתן אליך אות או מופת
²ובא האות והמופת אשר דבר אליך לאמר נלכה אחרי אלהים אחרים אשר לא ידעתם ונעבדם
³לא תשמע אל דברי הנביא ההוא או אל חולם החלום ההוא כי מנסה יהוה אלהיכם אתכם לדעת הישכם אהבים את יהוה אלהיכם בכל לבבכם ובכל נפשכם
⁴אחרי יהוה אלהיכם תלכו ואתו תיראו ואת מצותיו תשמרו ובקלו תשמעו ואתו תעבדו ובו תדבקון
⁵והנביא ההוא או חלם החלום ההוא יומת כי דבר סרה על יהוה אלהיכם המוציא אתכם מארץ מצרים והפך מבית עבדים להדיחך מן הדרך אשר צוה יהוה אלהיך ללכת בה ובערת הרע מקרבך
⁶כי יסיתך אחיך בן אמך או בןך או בתך או אשת חיקך או רעך אשר כנפשו בסתר לאמר נלכה ונעבדה אלהים אחרים אשר לא ידעת אתה ואבתיך
⁷מאלהי העמים אשר סביבתיכם הקרבים אליך או הרחקים ממך מקצה הארץ ועד קצה הארץ
⁸לא תאבה לו ולא תשמע אליו ולא תחוס עינך עליו ולא תחמל ולא תכסה עליו
⁹כי הרג תהרגנו ידך תהיה בו בראשונה להמיתו ויד כל העם באחרונה
¹⁰וסקלתו באבנים ומת כי בקש להדיחך מעל יהוה אלהיך המוציאך מארץ מצרים מבית עבדים
¹¹וכל ישראל ישמעו ויראון ולא יוספו לעשות כדבר הרע הזה בקרבך
¹²כי תשמע באחת עריך אשר יהוה אלהיך נתן לך לשבת שם לאמה
¹³יצאו אנשים בני בליעל מקרבך וידיחו את ישרי עירם לאמר נלכה ונעבדה אלהים אחרים אשר לא ידעתם
¹⁴ודרשת וחקרת ושאלת היטב והנה אמת נכון הדבר נעשתה התועבה הזאת בקרבך
¹⁵הכה תכה את ישרי העיר ההוא לפי חרב החרם אתה ואת כל אשר בה ואת בהמתה לפי חרב
¹⁶ואת כל שללה תקבץ אל תוך רחבה ושרפת באש את העיר ואת כל שללה כליל ליהוה אלהיך והיתה תל עולם לא תבנה עוד
¹⁷ולא ידבק בידך מאומה מן החרם למען ישוב יהוה מחרון אפו ונתן לך רחמים ורחמך והרבך כאשר נשבע לאבתיך
¹⁸כי תשמע בקול יהוה אלהיך לשמר את כל מצותיו אשר אנכי מצוך היום לעשות הישר בעיני יהוה אלהיך

הפרק 14

ב נים אתם ליהוה אלהיכם לא תתגדדו ולא תשימו קרחה בין עיניכם למת
²כי עם קדוש אתה ליהוה אלהיך ובך בחר יהוה להיות לו לעם סגלה מכל העמים אשר על פני האדמה
³לא תאכל כל תועבה
⁴זאת הבהמה אשר תאכלו שור שה כשבים ושה עזים
⁵איל וצבי ויחמור ואקו ודישן ותאו וזמר
⁶וכל בהמה מפרסת פרסה ושסעת שסע שתי פרסות מעלת גרה בבהמה אתה תאכלו
⁷אך את זה לא תאכלו ממעלי הגרה וממפריסי הפרסה השסועה את הגמל ואת הארנבת ואת השפן

כי מעלה גרה המה ופרסה לא הפריסו טמאים הם לכם
8 ואת החזיר כי מפריס פרסה הוא ולא גרה טמא הוא לכם מבשרם לא תאכלו ובנבלתם לא תגעו
9 את זה תאכלו מכל אשר במים כל אשר לו סנפיר וקשקשת תאכלו
10 וכל אשר אין לו סנפיר וקשקשת לא תאכלו טמא הוא לכם
11 כל צפור טהרה תאכלו
12 וזה אשר לא תאכלו מהם הנשר והפרס והעזניה
13 והראה ואת האיה והדיה למינח
14 ואת כל ערב למינו
15 ואת בת היענה ואת התחמס ואת השחף ואת הנץ למינהו
16 את הכוס ואת הינשוף והתנשמת
17 והקאת ואת הרחמה ואת השלף
18 והחסידה והאנפה למינה והדוכיפת והעטלף
19 וכל שרץ העוף טמא הוא לכם לא יאכלו
20 כל עוף טהור תאכלו
21 לא תאכלו כל נבלה לגר אשר בשעריך תתננה ואכלה או מכר לנכרי כי עם קדוש אתה ליהוה
אלהיך לא תבשל גדי בחלב אמו
22 עשר תעשר את כל תבואת זרעך היצא השדה שנה שנה
23 ואכלת לפני יהוה אלהיך במקום אשר יבחר לשכן שמו שם מעשר דגנך תירשך ויצהרך ובכרת
בקרך וצאנך למען תלמד ליראה את יהוה אלהיך כל הימים
24 וכי ירבה ממך הדרך כי לא תוכל שאתו כי ירחק ממך המקום אשר יבחר יהוה אלהיך לשום שמו
שם כי יברכך יהוה אלהיך
25 ונתתה בכסף וצרת הכסף בידך והלכת אל המקום אשר יבחר יהוה אלהיך בו
26 ונתתה הכסף בכל אשר תאווה נפשך בבקר ובצאן ובין ובשכר ובכל אשר תשאלך נפשך ואכלת
שם לפני יהוה אלהיך ושמחת אתה וביתך
27 והלוי אשר בשעריך לא תעזבנו כי אין לו חלק ונחלה עמך
28 מקצה שלש שנים תוציא את כל מעשר תבואתך בשנה ההוא והנחת בשעריך
29 ובא הלוי כי אין לו חלק ונחלה עמך והגר והיתום והאלמנה אשר בשעריך ואכלו ושבעו למען יברכך
יהוה אלהיך בכל מעשה ידך אשר תעשה

הפרק 15

מקץ שבע שנים תעשה שמטה
2 וזה דבר השמטה שמוט כל בעל משה ידו אשר ישה ברעהו לא יגש את רעהו ואת אחיו כי קרא
שמטה ליהוה
3 את הנכרי תגש ואשר יהיה לך את אחיך תשמט ירך
4 אפס כי לא יהיה בך אביון כי ברך יברכך יהוה בארץ אשר יהוה אלהיך נתן לך נחלה לרשתה
5 רק אם שמוע תשמע בקול יהוה אלהיך לשמר לעשות את כל המצוה הזאת אשר אנכי מצוך היום
6 כי יהוה אלהיך ברכך כאשר דבר לך והעבטת גוים רבים ואתה לא תעבט ומשלת בגוים רבים ובך
לא ימשלו
7 כי יהיה בך אביון מאחד אחיך באחד שעריך בארצך אשר יהוה אלהיך נתן לך לא תאמץ את לבבך
ולא תקפץ את ירך מאחריך האביון
8 כי פתח תפתח את ירך לו והעבט תעביטנו די מחסרו אשר יחסר לו
9 השמר לך פן יהיה דבר עם לבבך בליעל לאמר קרבה שנת השבע שנת השמטה ורעה עינך באחריך
האביון ולא תתן לו וקרא עליך אל יהוה והיה בך חטא

¹⁰ נתון תתן לו ולא ירע לבבך בתתך לו כי בגלל הדבר הזה יברוך יהוה אלהיך בכל מעשך ובכל משלח ידך

¹¹ כי לא יחדל אביון מקרב הארץ על כן אנכי מצוך לאמר פתח תפתח את ידך לאחייך לעניך ולאבינך בארצך

¹² כי ימכר לך אחיך העברי או העבריה ועבדך שש שנים ובשנה השביעית תשלחנו חפשי מעמך

¹³ וכי תשלחנו חפשי מעמך לא תשלחנו ריקם

¹⁴ העניק תעניק לו מצאנך ומגרנך ומיקבך אשר ברכך יהוה אלהיך תתן לו

¹⁵ וזכרת כי עבד היית בארץ מצרים ויפדך יהוה אלהיך על כן אנכי מצוך את הדבר הזה היום

¹⁶ והיה כי יאמר אליך לא אצא מעמך כי אהבך ואת ביתך כי טוב לו עמך

¹⁷ ולקחת את המרצע ונתתה באזנו ובדלת והיה לך עבד עולם ואף לאמתך תעשה כן

¹⁸ לא יקשה בעיניך בשלחך אתו חפשי מעמך כי משנה שכר שכיר עבדך שש שנים וברוך יהוה אלהיך בכל אשר תעשה

¹⁹ כל הבכור אשר יולד בבקרך ובצאנך הזכר תקדיש ליהוה אלהיך לא תעבד בבכר שורך ולא תגז בכור צאנך

²⁰ לפני יהוה אלהיך תאכלנו שנה בשנה במקום אשר יבחר יהוה אתה וביתך

²¹ וכי יהיה בו מום פסח או עור כל מום רע לא תזבחנו ליהוה אלהיך

²² בשעריך תאכלנו הטמא והטהור יחדו כצבי וכאיל

²³ רק את דמו לא תאכל על הארץ תשפכנו כמים

הפרק 16

שמור את חדש האביב ועשית פסח ליהוה אלהיך כי בחדש האביב הוציאך יהוה אלהיך ממצרים לילה

² וזבחת פסח ליהוה אלהיך צאן ובקר במקום אשר יבחר יהוה לשכן שמו שם

³ לא תאכל עליו חמץ שבעת ימים תאכל עליו מצות לחם עני כי בחפזו יצאת מארץ מצרים למען תזכר את יום צאתך מארץ מצרים כל ימי חיך

⁴ ולא יראה לך שאר בכל גבלך שבעת ימים ולא ילין מן הבשר אשר תזבח בערב ביום הראשון לבקר

⁵ לא תוכל לזבח את הפסח באחד שעריך אשר יהוה אלהיך נתן לך

⁶ כי אם אל המקום אשר יבחר יהוה אלהיך לשכן שמו שם תזבח את הפסח בערב כבוא השמש מועד צאתך ממצרים

⁷ ובשלת ואכלת במקום אשר יבחר יהוה אלהיך בו ופנית בבקר והלכת לאהלך

⁸ ששת ימים תאכל מצות וביום השביעי עצרת ליהוה אלהיך לא תעשה מלאכה

⁹ שבעה שבעת תספר לך מהחל חרמש בקמה תחל לספר שבעה שבעות

¹⁰ ועשית חג שבעות ליהוה אלהיך מסת נדבת ידך אשר תתן כאשר יברך יהוה אלהיך

¹¹ ושמחת לפני יהוה אלהיך אתה ובנך ובתך ועבדך ואמתך והלוי אשר בשעריך והגר והיתום והאלמנה אשר בקרבך במקום אשר יבחר יהוה אלהיך לשכן שמו שם

¹² וזכרת כי עבד היית במצרים ושמרת ועשית את החקים האלה

¹³ חג הסכת תעשה לך שבעת ימים באספך מגרנך ומיקבך

¹⁴ ושמחת בחגך אתה ובנך ובתך ועבדך ואמתך והלוי והגר והיתום והאלמנה אשר בשעריך

¹⁵ שבעת ימים תחג ליהוה אלהיך במקום אשר יבחר יהוה כי יברך יהוה אלהיך בכל תבואתך ובכל מעשה ידיך והיית אך שמח

¹⁶ שלוש פעמים בשנה יראה כל זכורך את פני יהוה אלהיך במקום אשר יבחר בחג המצות ובחג השבעות ובחג הסכות ולא יראה את פני יהוה ריקם

¹⁷ איש כמתנת ידו כברכת יהוה אלהיך אשר נתן לך

¹⁸שפטים ושטרים תתן לך בכל שעריך אשר יהוה אלהיך נתן לך לשבטיך ושפטו את העם משפט צדק
¹⁹לא תטה משפט לא תכיר פנים ולא תקח שחד כי השחד יעור עיני חכמים ויסלף דברי צדיקים
²⁰צדק תרדף למען תחיה וירשת את הארץ אשר יהוה אלהיך נתן לך
²¹לא תטע לך אשרה כל עץ אצל מזבח יהוה אלהיך אשר תעשה לך
²²ולא תקים לך מצבה אשר שנה יהוה אלהיך

הפרק 17

לא תזבח ליהוה אלהיך שור ושה אשר יהיה בו מום כל דבר רע כי תועבת יהוה אלהיך הוא
²כי ימצא בקרבך באחד שעריך אשר יהוה אלהיך נתן לך איש או אשה אשר יעשה את הרע בעיני יהוה אלהיך לעבר בריתו
³וילך ויעבד אלהים אחרים וישתחו להם ולשמש או לירח או לכל צבא השמים אשר לא צויתו
⁴והגד לך ושמעת ודרשת היטב והנה אמת נכון הדבר נעשתה התועבה הזאת בישראל
⁵והוצאת את האיש ההוא או את האשה ההוא אשר עשו את הדבר הרע הזה אל שעריך את האיש או את האשה וסקלתם באבנים ומתו
⁶על פי שנים עדים או שלשה עדים יומת המת לא יומת על פי עד אחד
⁷יד העדים תהיה בו בראשנה להמיתו ויד כל העם באחרונה ובערת הרע מקרבך
⁸כי יפלא ממך דבר למשפט בין דם לדם בין דין לדין ובין נגע לנגע דברי ריבת בשעריך וקמת ועלית אל המקום אשר יבחר יהוה אלהיך בו
⁹ובאת אל הכהנים הלויים ואל השפט אשר יהיה בימים ההם ודרשת והגידו לך את דבר המשפט
¹⁰ועשית על פי הדבר אשר יגידו לך מן המקום ההוא אשר יבחר יהוה ושמרת לעשות ככל אשר יורוך
¹¹על פי התורה אשר יורוך ועל המשפט אשר יאמרו לך תעשה לא תסור מן הדבר אשר יגידו לך ימין ושמאל
¹²והאיש אשר יעשה בזדון לבלתי שמע אל הכהן העמד לשרת שם את יהוה אלהיך או אל השפט ומת האיש ההוא ובערת הרע מישראל
¹³וכל העם ישמעו ויראו ולא יזידון עוד
¹⁴כי תבא אל הארץ אשר יהוה אלהיך נתן לך וירשתה וישבתה בה ואמרת אשימה עלי מלך ככל הגוים אשר סביבתי
¹⁵שום תשים עליך מלך אשר יבחר יהוה אלהיך בו מקרב אחיך תשים עליך מלך לא תוכל לתת עליך איש נכרי אשר לא אחיך הוא
¹⁶רק לא ירבה לו סוסים ולא ישיב את העם מצרימה למען הרבות סוס ויהוה אמר לכם לא תספון לשוב בדרך הזה עוד
¹⁷ולא ירבה לו נשים ולא יסור לבבו וכסף וזהב לא ירבה לו מאד
¹⁸והיה כשבתו על כסא ממלכתו וכתב לו את משנה התורה הזאת על ספר מלפני הכהנים הלויים
¹⁹והיתה עמו וקרא בו כל ימי חייו למען ילמד ליראה את יהוה אלהיו לשמר את כל דברי התורה הזאת ואת החקים האלה לעשתם
²⁰לבלתי רום לבבו מאחיו ולבלתי סור מן המצוה ימין ושמאל למען יאריך ימים על ממלכתו הוא ובניו בקרב ישראל

הפרק 18

ל א יהיה לכהנים הלויים כל שבט לוי חלק ונחלה עם ישראל אשי יהוה ונחלתו יאכלו
² ונחלה לא יהיה לו בקרב אחיו יהוה הוא נחלתו כאשר דבר לו
³ וזה יהיה משפט הכהנים מאת העם מאת זבחי הזבח אם שור אם שה ונתן לכהן הזרע והלחיים
והקבב
⁴ ראשית דגןך תירשך ויצהרך וראשית גז צאנך תתן לו
⁵ כי בו בחר יהוה אלהיך מכל שבטיך לעמד לשרת בשם יהוה הוא ובניו כל הימים
⁶ וכי יבא הלוי מאחד שעריך מכל ישראל אשר הוא גר שם ובא בכל אות נפשו אל המקום אשר יבחר
יהוה
⁷ ושרת בשם יהוה אלהיו ככל אחיו הלויים העמדים שם לפני יהוה
⁸ חלק כחלק יאכלו לבד ממכריו על האבות
⁹ כי אתה בא אל הארץ אשר יהוה אלהיך נתן לך לא תלמד לעשות כתועבת הגוים ההם
¹⁰ לא ימצא בך מעביר בנו ובתו באש קסם קסמים מעוון ומנחש ומכשף
¹¹ וחבר חבר ושאל אוב וידעני ודרש אל המתים
¹² כי תועבת יהוה כל עשה אלה ובגלל התועבת האלה יהוה אלהיך מוריש אותם מפניך
¹³ תמים תהיה עם יהוה אלהיך
¹⁴ כי הגוים האלה אשר אתה יורש אותם אל מעננים ואל קסמים ישמעו ואתה לא כן נתן לך יהוה
אלהיך
¹⁵ נביא מקרבך מאחריך כמני יקים לך יהוה אלהיך אליו תשמעון
¹⁶ ככל אשר שאלת מעם יהוה אלהיך בחרב ביום הקהל לאמר לא אסף לשמע את קול יהוה אלהי
ואת האש הגדלה הזאת לא אראה עוד ולא אמות
¹⁷ ויאמר יהוה אלי היטיבו אשר דברו
¹⁸ נביא אקים להם מקרב אחיהם כמוך ונתתי דברי בפיו ודבר אליהם את כל אשר אצונו
¹⁹ והיה האיש אשר לא ישמע אל דברי אשר ידבר בשמי אנכי אדרש מעמו
²⁰ אך הנביא אשר יזיד לדבר דבר בשמי את אשר לא צויתיו לדבר ואשר ידבר בשם אלהים אחרים
ומת הנביא ההוא
²¹ וכי תאמר בלבבך איכה נדע את הדבר אשר לא דברו יהוה
²² אשר ידבר הנביא בשם יהוה ולא יהיה הדבר ולא יבוא הוא הדבר אשר לא דברו יהוה בזדון דברו
הנביא לא תגור ממנו

הפרק 19

כ י יכרית יהוה אלהיך את הגוים אשר יהוה אלהיך נתן לך את ארצם וירשתם וישבת בעריהם
ובבתיהם
² שלוש ערים תבדיל לך בתוך ארצך אשר יהוה אלהיך נתן לך לרשתה
³ תכין לך הדרך ושלשת את גבול ארצך אשר ינחילך יהוה אלהיך והיה לנוס שמה כל רצח
⁴ וזה דבר הרצח אשר ינוס שמה וחי אשר יכה את רעהו בבלי דעת והוא לא שנא לו מתמל שלשם
⁵ ואשר יבא את רעהו ביער לחטב עצים ונדחה ידו בגרזן לכרת העץ ונשל הברזל מן העץ ומצא את
רעהו ומת הוא ינוס אל אחת הערים האלה וחי
⁶ פן ירדף גאל הדם אחרי הרצח כי יחם לבבו והשיגו כי ירבה הדרך והכהו נפש ולו אין משפט מות כי
לא שנא הוא לו מתמול שלשום
⁷ על כן אנכי מצוך לאמר שלש ערים תבדיל לך
⁸ ואם ירחיב יהוה אלהיך את גבולך כאשר נשבע לאבתך ונתן לך את כל הארץ אשר דבר לתת
לאבתך
⁹ כי תשמר את כל המצוה הזאת לעשתה אשר אנכי מצוך היום לאהבה את יהוה אלהיך וללכת

בדרכיו כל הימים ויספת לך עוד שלש ערים על השלש האלה
¹⁰ולא ישפך דם נקי בקרב ארצך אשר יהוה אלהיך נתן לך נחלה והיה עליך דמים
¹¹וכי יהיה איש שנא לרעהו וארב לו וקם עליו והכהו נפש ומת ונס אל אחת הערים האל
¹²ושלחו זקני עירו ולקחו אותו משם ונתנו אותו ביד גאל הדם ומת
¹³לא תחוס עינך עליו ובערת דם הנקי מישראל וטוב לך
¹⁴לא תסיג גבול רעך אשר גבלו ראשונים בנחלתך אשר תנחל בארץ אשר יהוה אלהיך נתן לך
 לרשתה
¹⁵לא יקום עד אחד באיש לכל עון ולכל חטאת בכל חטא אשר יחטא על פי שני עדים או על פי
 שלשה עדים יקום דבר
¹⁶כי יקום עד חמש באיש לענות בו סרה
¹⁷ועמדו שני האנשים אשר להם הריב לפני יהוה לפני הכהנים והשפטים אשר יהיו בימים ההם
¹⁸וידרשו השפטים היטב והנה עד שקר העד שקר ענה באחיו
¹⁹ועשיתם לו כאשר זמם לעשות לאחיו ובערת הרע מקרבך
²⁰והנשואים ישמעו ויראו ולא יספו לעשות עוד כדבר הרע הזה בקרבך
²¹ולא תחוס עינך נפש בנפש עין בעין שן בשן יד ביד רגל ברגל

הפרק 20

כ י תצא למלחמה על איביך וראית סוס ורכב עם רב ממך לא תירא מהם כי יהוה אלהיך עמך
 המעלך מארץ מצרים
²והיה כקרבכם אל המלחמה ונגש הכהן ודבר אל העם
³ואמר אלהם שמע ישראל אתם קרבים היום למלחמה על איביכם אל ירך לבבכם אל תיראו ואל
 תחפזו ואל תערצו מפניהם
⁴כי יהוה אלהיכם ההלך עמכם להלחם לכם עם איביכם להושיע אתכם
⁵ודברו השטרים אל העם לאמר מי האיש אשר בנה בית חדש ולא חנכו ילך וישב לביתו פן ימות
 במלחמה ואיש אחר יחנכנו
⁶ומי האיש אשר נטע כרם ולא חללו ילך וישב לביתו פן ימות במלחמה ואיש אחר יחללנו
⁷ומי האיש אשר ארש אשה ולא לקחה ילך וישב לביתו פן ימות במלחמה ואיש אחר יקחנה
⁸ויספו השטרים לדבר אל העם ואמרו מי האיש הירא ורך הלבב ילך וישב לביתו ולא ימס את לבב
 אחיו כלבבו
⁹והיה ככלת השטרים לדבר אל העם ופקדו שרי צבאות בראש העם
¹⁰כי תקרב אל עיר להלחם עליה וקראת אליה לשלום
¹¹והיה אם שלום תענך ופתחה לך והיה כל העם הנמצא בה יהיו לך למס ועבדוך
¹²ואם לא תשלים עמך ועשתה עמך מלחמה וצרת עליה
¹³ונתנה יהוה אלהיך בידך והכית את כל זכורה לפי חרב
¹⁴רק הנשים והטף והבהמה וכל אשר יהיה בעיר כל שללה תבז לך ואכלת את שלל איביך אשר נתן
 יהוה אלהיך לך
¹⁵כן תעשה לכל הערים הרחקת ממך מאד אשר לא מערי הגוים האלה הנח
¹⁶רק מערי העמים האלה אשר יהוה אלהיך נתן לך נחלה לא תחיה כל נשמה
¹⁷כי החרם תחרימם החתי והאמרי הכנעני והפרזי החוי והיבوسی כאשר צוך יהוה אלהיך
¹⁸למען אשר לא ילמדו אתכם לעשות ככל תועבתם אשר עשו לאלהיהם וחטאתם ליהוה אלהיכם
¹⁹כי תצור אל עיר ימים רבים להלחם עליה לתפשה לא תשחית את עצה לנדח עליו גרזן כי ממנו

תאכל אותו לא תכרת כי האדם עץ השדה לבא מפניך במצוה

²⁰רק עץ אשר תדע כי לא עץ מאכל הוא אתו תשחית וכרת ובנית מצור על העיר אשר הוא עשה עמך מלחמה עד רדתה

הפרק 21

כי ימצא חלל באדמה אשר יהוה אלהיך נתן לך לרשתה נפל בשדה לא נודע מי הכהו

²ויצאו זקניך ושפטיך ומדדו אל הערים אשר סביבת החלל

³והיה העיר הקרבה אל החלל ולקחו זקני העיר ההוא עגלת בקר אשר לא עבד בה אשר לא משכה בעל

⁴והורדו זקני העיר ההוא את העגלה אל נחל איתן אשר לא יעבד בו ולא יזרע וערפו שם את העגלה בנחל

⁵ונגשו הכהנים בני לוי כי במ בחר יהוה אלהיך לשרתו ולברך בשם יהוה ועל פיהם יהיה כל ריב וכל נגע

⁶וכל זקני העיר ההוא הקרבים אל החלל ירחצו את ידיהם על העגלה הערופה בנחל

⁷וענו ואמרו ידינו לא שפכה את הדם הזה ועינינו לא ראו

⁸כפר לעמך ישראל אשר פדית יהוה ואל תתן דם נקי בקרב עמך ישראל ונכפר להם הדם

⁹ואתה תבער הדם הנקי מקרבך כי תעשה הישר בעיני יהוה

¹⁰כי תצא למלחמה על איביך ונתנו יהוה אלהיך בידך ושבית שביו

¹¹וראית בשביה אשת יפת תאר וחשקת בה ולקחת לך לאשה

¹²והבאתה אל תוך ביתך וגלחת את ראשה ועשתה את צפרניה

¹³והסירה את שמלת שביה מעליה וישבה בביתך ובכתה את אביה ואת אמה ירח ימים ואחר כן

תבוא אליה ובעלתה והיתה לך לאשה

¹⁴והיה אם לא חפצת בה ושלחתה לנפשה ומכר לא תמכרנה בכסף לא תתעמר בה תחת אשר עניתה

¹⁵כי תהיין לאיש שתי נשים האחת אהובה והאחת שנאה וילדו לו בנים האהובה והשנואה והיה הבן הבכור לשניא

¹⁶והיה ביום הנחילו את בניו את אשר יהיה לו לא יוכל לבכר את בן האהובה על פני בן השנואה הבכר

¹⁷כי את הבכר בן השנואה יכיר לתת לו פי שנים בכל אשר ימצא לו כי הוא ראשית אנו לו משפט הבכר

¹⁸כי יהיה לאיש בן סורר ומורה איננו שמע בקול אביו ובקול אמו ויסרו אותו ולא ישמע אליהם

¹⁹ותפשו בו אביו ואמו והוציאו אותו אל זקני עירו ואל שער מקמו

²⁰ואמרו אל זקני עירו בננו זה סורר ומרה איננו שמע בקולנו זולל וסבא

²¹ורגמנו כל אנשי עירו באבנים ומת ובערת הרע מקרבך וכל ישראל ישמעו ויראו

²²וכי יהיה באיש חטא משפט מות והומת ותלית אותו על עץ

²³לא תלין נבלתו על העץ כי קבור תקברנו ביום ההוא כי קללת אלהים תלוי ולא תטמא את אדמתך אשר יהוה אלהיך נתן לך נחלה

הפרק 22

לא תראה את שור אחיך או את שיו נדחים והתעלמת מהם השב תשיבם לאחיך

²ואם לא קרוב אחיך אליך ולא ידעתו ואספתו אל תוך ביתך והיה עמך עד דרש אחיך אתו והשבתו לו

³וכן תעשה לחמרו וכן תעשה לשמלתו וכן תעשה לכל אבדת אחיך אשר תאבד ממנו ומצאתה לא

תוכל להתעלם

⁴לא תראה את חמור אחיך או שורו נפלים בדרך והתעלמת מהם הקם תקים עמו

⁵לא יהיה כלי גבר על אשה ולא ילבש גבר שמלת אשה כי תועבת יהוה אלהיך כל עשה אלה

⁶כי יקרא קן צפור לפניך בדרך בכל עץ או על הארץ אפרחים או ביצים והאם רבצת על האפרחים או על הביצים לא תקח האם על הבנים

⁷שלח תשלח את האם ואת הבנים תקח לך למען ייטב לך והארכת ימים

⁸כי תבנה בית חדש ועשית מעקה לגגך ולא תשים דמים בביתך כי יפל הנפל ממנו

⁹לא תזרע כרמך כלאים פן תקדש המלאה הזרע אשר תזרע ותבואת הכרם

¹⁰לא תחרש בשור ובחמר יחדו

¹¹לא תלבש שעטנז צמר ופשתים יחדו

¹²גדלים תעשה לך על ארבע כנפות כסותך אשר תכסה בה

¹³כי יקח איש אשה ובא אליה ושנאה

¹⁴ושם לה עלילת דברים והוציא עליה שם רע ואמר את האשה הזאת לקחתי ואקרב אליה ולא מצאתי לה בתולים

¹⁵ולקח אבי הנער ואמה והוציאו את בתולי הנער אל זקני העיר השערה

¹⁶ואמר אבי הנער אל הזקנים את בתי נתתי לאיש הזה לאשה וישנאה

¹⁷והנה הוא שם עלילת דברים לאמר לא מצאתי לבתך בתולים ואלה בתולי בתי ופרשו השמלה לפני זקני העיר

¹⁸ולקחו זקני העיר ההוא את האיש ויסרו אתו

¹⁹וענשו אתו מאה כסף ונתנו לאבי הנער כי הוציא שם רע על בתולת ישראל ולו תהיה לאשה לא יוכל לשלחה כל ימיו

²⁰ואם אמת היה הדבר הזה לא נמצאו בתולים לנער

²¹והוציאו את הנער אל פתח בית אביה וסקלוה אנשי עירה באבנים ומתה כי עשתה נבלה בישראל לזנות בית אביה ובערת הרע מקרבך

²²כי ימצא איש שכב עם אשה בעלת בעל ומתו גם שניהם האיש השכב עם האשה והאשה ובערת הרע מישראל

²³כי יהיה נער בתולה מארשה לאיש ומצאה איש בעיר ושכב עמה

²⁴והוצאתם את שניהם אל שער העיר ההוא וסקלתם אתם באבנים ומתו את הנער על דבר אשר לא צעקה בעיר ואת האיש על דבר אשר ענה את אשת רעהו ובערת הרע מקרבך

²⁵ואם בשדה ימצא האיש את הנער המארשה והחזיק בה האיש ושכב עמה ומת האיש אשר שכב עמה לבדו

²⁶ולנער לא תעשה דבר אין לנער חטא מות כי כאשר יקום איש על רעהו ורצחו נפש כן הדבר הזה

²⁷כי בשדה מצאה צעקה הנער המארשה ואין מושיע לה

²⁸כי ימצא איש נער בתולה אשר לא ארשה ותפשה ושכב עמה ונמצאו

²⁹ונתן האיש השכב עמה לאבי הנער חמשים כסף ולו תהיה לאשה תחת אשר ענה לא יוכל שלחה כל ימיו

³⁰לא יקח איש את אשת אביו ולא יגלה כנף אביו

הפרק 23

א יבא פצוע דכא וכרות שפכה בקהל יהוה

²לא יבא ממזר בקהל יהוה גם דור עשירי לא יבא לו בקהל יהוה

³לא יבא עמוני ומואבי בקהל יהוה גם דור עשירי לא יבא להם בקהל יהוה עד עולם

⁴על דבר אשר לא קדמו אתכם בלחם ובמים בדרך בצאתכם ממצרים ואשר שכר עליך את בלעם

בן בעור מפתור ארם נהרים לקללך

⁵ ולא אבה יהוה אלהיך לשמע אל בלעם ויהפך יהוה אלהיך לך את הקללה לברכה כי אהבך יהוה אלהיך

⁶ לא תדרש שלמם וטבתם כל ימך לעולם

⁷ לא תתעב אדמי כי אחיך הוא לא תתעב מצרי כי גר היית בארצו

⁸ בנים אשר יולדו להם דור שלישי יבא להם בקהל יהוה

⁹ כי תצא מחנה על איביך ונשמרת מכל דבר רע

¹⁰ כי יהיה בך איש אשר לא יהיה טהור מקרה לילה ויצא אל מחוץ למחנה לא יבא אל תוך המחנה

¹¹ והיה לפנות ערב ירחץ במים וכבא השמש יבא אל תוך המחנה

¹² ויד תהיה לך מחוץ למחנה ויצאת שמה חוץ

¹³ ויתד תהיה לך על אזנך והיה בשבתך חוץ וחפרתה בה ושבת וכסית את צאתך

¹⁴ כי יהוה אלהיך מתהלך בקרב מחנך להצילך ולתת איביך לפניך והיה מחנך קדוש ולא יראה בך ערות דבר ושב מאחריך

¹⁵ לא תסגיר עבד אל אדניו אשר ינצל אליך מעם אדניו

¹⁶ עמך ישב בקרבך במקום אשר יבחר באחד שעריך בטוב לו לא תוננו

¹⁷ לא תהיה קדשה מבנות ישראל ולא יהיה קדש מבני ישראל

¹⁸ לא תביא אתנן זונה ומחיר כלב בית יהוה אלהיך לכל נדר כי תועבת יהוה אלהיך גם שניהם

¹⁹ לא תשיך לאחריך נשך כסף נשך אכל נשך כל דבר אשר ישך

²⁰ לנכרי תשיך ולאחריך לא תשיך למען יברכך יהוה אלהיך בכל משלח ידך על הארץ אשר אתה בא שמה לרשתה

²¹ כי תדר נדר ליהוה אלהיך לא תאחר לשלמו כי דרש ידרשנו יהוה אלהיך מעמך והיה בך חטא

²² וכי תחדל לנדר לא יהיה בך חטא

²³ מוצא שפתיך תשמר ועשית כאשר נדרת ליהוה אלהיך נדבה אשר דברת בפיו

²⁴ כי תבא בכרם רעך ואכלת ענבים כנפשך שבעך ואל כליך לא תתן

²⁵ כי תבא בקמת רעך וקטפת מלילת בידך וחרמש לא תניף על קמת רעך

הפרק 24

כ י יקח איש אשה ובעלה והיה אם לא תמצא חן בעיניו כי מצא בה ערות דבר וכתב לה ספר כריתת ונתן בידה ושלחה מביתו

² ויצאה מביתו והלכה והיתה לאיש אחר

³ ושנאה האיש האחרון וכתב לה ספר כריתת ונתן בידה ושלחה מביתו או כי ימות האיש האחרון אשר לקחה לו לאשה

⁴ לא יוכל בעלה הראשון אשר שלחה לשוב לקחתה להיות לו לאשה אחרי אשר הטמאה כי תועבה הוא לפני יהוה ולא תחטיא את הארץ אשר יהוה אלהיך נתן לך נחלה

⁵ כי יקח איש אשה חדשה לא יצא בצבא ולא יעבר עליו לכל דבר נקי יהיה לביתו שנה אחת ושמח את אשתו אשר לקח

⁶ לא יחבל רחים ורכב כי נפש הוא חבל

⁷ כי ימצא איש גנב נפש מאחיו מבני ישראל והתעמר בו ומכרו ומת הגנב ההוא ובערת הרע מקרבך

⁸ השמר בנגע הצרעת לשמר מאד ולעשות ככל אשר יורו אתכם הכהנים הלויים כאשר צויתם תשמרו לעשות

⁹ זכור את אשר עשה יהוה אלהיך למרים בדרך בצאתכם ממצרים

¹⁰ כי תשה ברעך משאת מאומה לא תבא אל ביתו לעבט עבטו

¹¹ בחוץ תעמד והאיש אשר אתה נשה בו יוציא אליך את העבוט החוצה

¹² ואם איש עני הוא לא תשכב בעבטו
¹³ השב תשיב לו את העבוט כבא השמש ושכב בשלמתו וברכך ולך תהיה צדקה לפני יהוה אלהיך
¹⁴ לא תעשק שכיר עני ואביון מאחריך או מגרך אשר בארצך בשעריך
¹⁵ ביומו תתן שכרו ולא תבוא עליו השמש כי עני הוא ואליו הוא נשא את נפשו ולא יקרא עליך אל
יהוה והיה בך חטא
¹⁶ לא יומתו אבות על בנים ובנים לא יומתו על אבות איש בחטאו יומתו
¹⁷ לא תטה משפט גר יתום ולא תחבל בגד אלמנה
¹⁸ וזכרת כי עבד היית במצרים ויפדך יהוה אלהיך משם על כן אנכי מצוך לעשות את הדבר הזה
¹⁹ כי תקצר קצירך בשדך ושכחת עמר בשדה לא תשוב לקחתו לגר ליתום ולא למנה יהיה למען
יברכך יהוה אלהיך בכל מעשה ידיך
²⁰ כי תחבט זיתך לא תפאר אחריך לגר ליתום ולא למנה יהיה
²¹ כי תבצר כרמך לא תעולל אחריך לגר ליתום ולא למנה יהיה
²² וזכרת כי עבד היית בארץ מצרים על כן אנכי מצוך לעשות את הדבר הזה

הפרק 25

כ יהיה ריב בין אנשים ונגשו אל המשפט ושפטום והצדיקו את הצדיק והרשיעו את הרשע
² והיה אם בן הכות הרשע והפילו השפט והכהו לפניו כדי רשעתו במספה
³ ארבעים יכנו לא יסיף פן יסיף להכתו על אלה מכה רבה ונקלה אחיך לעיניך
⁴ לא תחסם שור בדישו
⁵ כי ישבו אחים יחדו ומת אחד מהם ובן אין לו לא תהיה אשת המת החוצה לאיש זר יבמה יבא עליה
ולקחה לו לאשה ויבמה
⁶ והיה הבכור אשר תלד יקום על שם אחיו המת ולא ימחה שמו מישראל
⁷ ואם לא יחפץ האיש לקחת את יבמתו ועלתה יבמתו השערה אל הזקנים ואמרה מאן יבמי להקים
לאחיו שם בישראל לא אבה יבמי
⁸ וקראו לו זקני עירו ודברו אליו ועמד ואמר לא חפצתי לקחתה
⁹ ונגשה יבמתו אליו לעיני הזקנים וחלצה נעלו מעל רגלו וירקה בפניו וענתה ואמרה ככה יעשה לאיש
אשר לא יבנה את בית אחיו
¹⁰ ונקרא שמו בישראל בית חלוץ הנעל
¹¹ כי ינצו אנשים יחדו איש ואחיו וקרבה אשת האחד להציל את אישה מיד מכהו ושלחה ידה
והחזיקה במבשיו
¹² וקצתה את כפה לא תחוס עינך
¹³ לא יהיה לך בכיסך אבן ואבן גדולה וקטנה
¹⁴ לא יהיה לך בביתך איפה ואיפה גדולה וקטנה
¹⁵ אבן שלמה וצדק יהיה לך איפה שלמה וצדק יהיה לך למען יאריכו ימך על האדמה אשר יהוה
אלהיך נתן לך
¹⁶ כי תועבת יהוה אלהיך כל עשה אלה כל עשה עול
¹⁷ זכור את אשר עשה לך עמלק בדרך בצאתכם ממצרים
¹⁸ אשר קרך בדרך ויזנב בך כל הנחשלים אחריך ואתה עיף ויגע ולא ירא אלהים
¹⁹ והיה בהניח יהוה אלהיך לך מכל איביך מסביב בארץ אשר יהוה אלהיך נתן לך נחלה לרשתה
תמחה את זכר עמלק מתחת השמים לא תשכח

הפרק 26

1 היה כי תבוא אל הארץ אשר יהוה אלהיך נתן לך נחלה וירשתה וישבת בה

2 ולקחת מראשית כל פרי האדמה אשר תביא מארצך אשר יהוה אלהיך נתן לך ושמת בטנא והלכת אל המקום אשר יבחר יהוה אלהיך לשכן שמו שם

3 ובאת אל הכהן אשר יהיה בימים ההם ואמרת אליו הגדתי היום ליהוה אלהיך כי באתי אל הארץ אשר נשבע יהוה לאבותינו לתת לנו

4 ולקח הכהן הטנא מידך והניחו לפני מזבח יהוה אלהיך

5 וענית ואמרת לפני יהוה אלהיך ארמי אבד אבי וירד מצרימה ויגר שם במתי מעט ויהי שם לגוי גדול עצום ורב

6 וירעו אתנו המצרים ויענונו ויתנו עלינו עבדה קשה

7 ונצעק אל יהוה אלהי אבותינו וישמע יהוה את קלנו וירא את ענינו ואת עמלנו ואת לחצנו

8 ויוצאנו יהוה ממצרים ביד חזקה ובזרע נטויה ובמרא גדל ובאותות ובמפתים

9 ויבאנו אל המקום הזה ויתן לנו את הארץ הזאת ארץ זבת חלב ודבש

10 ועתה הנה הבאתי את ראשית פרי האדמה אשר נתתה לי יהוה והנחתו לפני יהוה אלהיך והשתחוית לפני יהוה אלהיך

11 ושמחת בכל הטוב אשר נתן לך יהוה אלהיך ולביתך אתה והלוי והגר אשר בקרבך

12 כי תכלה לעשר את כל מעשר תבואתך בשנה השלישית שנת המעשר ונתתה ללוי לגר ליתום ולאלמנה ואכלו בשעריך ושבעו

13 ואמרת לפני יהוה אלהיך בערתי הקדש מן הבית וגם נתתיו ללוי ולגר ליתום ולאלמנה ככל מצותך אשר צויתני לא עברתי ממצותיך ולא שכחתי

14 לא אכלתי באני ממנו ולא בערתי ממנו בטמא ולא נתתי ממנו למת שמעתי בקול יהוה אלהי עשיתי ככל אשר צויתני

15 השקיפה ממעון קדשך מן השמים וברך את עמך את ישראל ואת האדמה אשר נתתה לנו כאשר נשבעת לאבותינו ארץ זבת חלב ודבש

16 היום הזה יהוה אלהיך מצוך לעשות את החקים האלה ואת המשפטים ושמרת ועשית אותם בכל לבבך ובכל נפשך

17 את יהוה האמרת היום להיות לך לאלהים וללכת בדרכיו ולשמר חקיו ומצותיו ומשפטיו ולשמע בקלו

18 ויהוה האמריך היום להיות לו לעם סגלה כאשר דבר לך ולשמר כל מצותיו

19 ולתתך עליון על כל הגוים אשר עשה לתהלה ולשם ולתפארת ולהיתך עם קדש ליהוה אלהיך כאשר דבר

הפרק 27

1 יצו משה וזקני ישראל את העם לאמר שמר את כל המצוה אשר אנכי מצוה אתכם היום והיה ביום אשר תעברו את הירדן אל הארץ אשר יהוה אלהיך נתן לך והקמת לך אבנים גדולות ושדת אתם בשיד

3 וכתבת עליהן את כל דברי התורה הזאת בעברך למען אשר תבא אל הארץ אשר יהוה אלהיך נתן לך ארץ זבת חלב ודבש כאשר דבר יהוה אלהי אבותיך לך

4 והיה בעברכם את הירדן תקימו את האבנים האלה אשר אנכי מצוה אתכם היום בהר עיבל ושדת אותם בשיד

5 ובנית שם מזבח ליהוה אלהיך מזבח אבנים לא תניף עליהם ברזל

6 אבנים שלמות תבנה את מזבח יהוה אלהיך והעלית עליו עולת ליהוה אלהיך

7 וזבחת שלמים ואכלת שם ושמחת לפני יהוה אלהיך

8 וכתבת על האבנים את כל דברי התורה הזאת באר היטב

9 וידבר משה והכהנים הלויים אל כל ישראל לאמר הסכת ושמע ישראל היום הזה נהיית לעם ליהוה

אלהיך

¹⁰ושמעת בקול יהוה אלהיך ועשית את מצותו ואת חקיו אשר אנכי מצוך היום

¹¹ויצו משה את העם ביום ההוא לאמר

¹²אלה יעמדו לברך את העם על הר גרזים בעברכם את הירדן שמעון ולוי ויהודה ויששכר ויוסף ובנימין

¹³ואלה יעמדו על הקללה בהר עיבל ראובן גד ואשר וזבולן דן ונפתלי

¹⁴וענו הלויים ואמרו אל כל איש ישראל קול רם

¹⁵ארור האיש אשר יעשה פסל ומסכה תועבת יהוה מעשה ידי חרש ושם בסתר וענו כל העם ואמרו

¹⁶ארור מקלה אביו ואמו ואמר כל העם אמן

¹⁷ארור מסיג גבול רעהו ואמר כל העם אמן

¹⁸ארור משגה עור בדרך ואמר כל העם אמן

¹⁹ארור מטה משפט גר יתום ואלמנה ואמר כל העם אמן

²⁰ארור שכב עם אשת אביו כי גלה כנף אביו ואמר כל העם אמן

²¹ארור שכב עם כל בהמה ואמר כל העם אמן

²²ארור שכב עם אחתו בת אביו או בת אמו ואמר כל העם אמן

²³ארור שכב עם חתנתו ואמר כל העם אמן

²⁴ארור מכה רעהו בסתר ואמר כל העם אמן

²⁵ארור לקח שחד להכות נפש דם נקי ואמר כל העם אמן

²⁶ארור אשר לא יקים את דברי התורה הזאת לעשות אותם ואמר כל העם אמן

הפרק 28

היה אם שמוע תשמע בקול יהוה אלהיך לשמר לעשות את כל מצותיו אשר אנכי מצוך היום ונתנך יהוה אלהיך עליון על כל גויי הארץ

²ובאו עליך כל הברכות האלה והשיגך כי תשמע בקול יהוה אלהיך

³ברוך אתה בעיר וברוך אתה בשדה

⁴ברוך פרי בטנך ופרי אדמתך ופרי בהמתך שגר אלפייך ועשתרות צאנך

⁵ברוך טנאך ומשאריתך

⁶ברוך אתה בבאך וברוך אתה בצאתך

⁷יתן יהוה את איביך הקמים עליך נגפים לפניך בדרך אחד יצאו אליך ובשבעה דרכים ינוסו לפניך

⁸ויצו יהוה אתך את הברכה באסמך ובכל משלח ידך וברכך בארץ אשר יהוה אלהיך נתן לך

⁹ויקימך יהוה לו לעם קדוש כאשר נשבע לך כי תשמר את מצות יהוה אלהיך והלכת בדרכיו

¹⁰וראו כל עמי הארץ כי שם יהוה נקרא עליך ויראו ממך

¹¹והותרך יהוה לטובה בפרי בטנך ובפרי בהמתך ובפרי האדמה אשר נשבע יהוה

לאבתך לתת לך

¹²יפתח יהוה לך את אוצרו הטוב את השמים לתת מטר ארצך בעתו ולברך את כל מעשה ידך

והלויית גוים רבים ואתה לא תלוח

¹³ונתנך יהוה לראש ולא לזנב והיית רק למעלה ולא תהיה למטה כי תשמע אל מצות יהוה אלהיך

אשר אנכי מצוך היום לשמר ולעשות

¹⁴ולא תסור מכל הדברים אשר אנכי מצוה אתכם היום ימין ושמאול ללכת אחרי אלהים אחרים

לעבדם

¹⁵והיה אם לא תשמע בקול יהוה אלהיך לשמר לעשות את כל מצותיו וחקתיו אשר אנכי מצוך היום

ובאו עליך כל הקללות האלה והשיגוך

¹⁶ ארור אתה בעיר וארור אתה בשדה
¹⁷ ארור טנאך ומשאריתך
¹⁸ ארור פרי בטנך ופרי אדמתך שגר אלפיו ועשתרות צאנך
¹⁹ ארור אתה בבאך וארור אתה בצאתך
²⁰ ישלח יהוה בך את המארה את המהומה ואת המגעת בכל משלח ידך אשר תעשה עד השמדך ועד אבדך מהר מפני רע מעלליך אשר עזבתני!
²¹ ידבק יהוה בך את הדבר עד כלתו אתך מעל האדמה אשר אתה בא שמה לרשתה
²² יככה יהוה בשחפת ובקדחת ובדלקת ובחרחר ובחרב ובשדפון ובירקון ורדפוך עד אבדך
²³ והיו שמיך אשר על ראשך נחשת והארץ אשר תחתך ברזל
²⁴ יתן יהוה את מטר ארצך אבק ועפר מן השמים ירד עליך עד השמדך
²⁵ יתנך יהוה נגף לפני איבך בדרך אחד תצא אליו ובשבעה דרכים תנוס לפניו והיית לזעוה לכל ממלכות הארץ
²⁶ והייתה נבלתך למאכל לכל עוף השמים ולבהמת הארץ ואין מחריד
²⁷ יככה יהוה בשחין מצרים ובעפלים ובגרר ובחרס אשר לא תוכל להרפא
²⁸ יככה יהוה בשגעון ובעורון ובתמהון לבב
²⁹ והיית ממשש בצהרים כאשר ימשש העור באפלה ולא תצליח את דרכיך והיית אך עשוק וגזול כל הימים ואין מושיע
³⁰ אשה תארש ואיש אחר ישגלנה בית תבנה ולא תשב בו כרם תטע ולא תחללנו
³¹ שורך טבוח לעיניך ולא תאכל ממנו חמרך גזול מלפניך ולא ישוב לך צאנך נתנות לאיבך ואין לך מושיע
³² בניך ובנתיך נתנים לעם אחר ועיניך ראות וכלות אליהם כל היום ואין לאל ידך
³³ פרי אדמתך וכל יגיעך יאכל עם אשר לא ידעת והיית רק עשוק ורצוץ כל הימים
³⁴ והיית משגע ממראה עיניך אשר תראה
³⁵ יככה יהוה בשחין רע על הברכים ועל השקים אשר לא תוכל להרפא מכף רגלך ועד קדקדך
³⁶ יולך יהוה אתך ואת מלכך אשר תקים עליך אל גוי אשר לא ידעת אתה ואבותיך ועבדת שם אלהים אחרים עץ ואבן
³⁷ והיית לשמה למשל ולשנינה בכל העמים אשר ינהגך יהוה שמה
³⁸ זרע רב תוציא השדה ומעט תאסף כי יחסלנו הארבה
³⁹ כרמים תטע ועבדת ויין לא תשתה ולא תאגר כי תאכלנו התלעת
⁴⁰ זיתים יהיו לך בכל גבולך ושמן לא תסוך כי ישל זיתך
⁴¹ בנים ובנות תוליד ולא יהיו לך כי ילכו בשבי
⁴² כל עצך ופרי אדמתך יירש הצלצל
⁴³ הגר אשר בקרבך יעלה עליך מעלה מעלה ואתה תרד מטה מטה
⁴⁴ הוא ילך ואתה לא תלוננו הוא יהיה לראש ואתה תהיה לזנב
⁴⁵ ובאו עליך כל הקללות האלה ורדפוך והשיגוך עד השמדך כי לא שמעת בקול יהוה אלהיך לשמר מצותיו וחקתיו אשר צוה
⁴⁶ והיו בך לאות ולמופת ובזרעך עד עולם
⁴⁷ תחת אשר לא עבדת את יהוה אלהיך בשמחה ובטוב לבב מרב כל
⁴⁸ ועבדת את איבך אשר ישלחנו יהוה בך ברעב ובצמא ובעירם ובחסר כל ונתן על ברזל על צוארך עד השמידו אתך
⁴⁹ ישא יהוה עליך גוי מרחוק מקצה הארץ כאשר ידאה הנשר גוי אשר לא תשמע לשנו
⁵⁰ גוי עז פנים אשר לא ישא פנים לזקן ונער לא יחן
⁵¹ ואכל פרי בהמתך ופרי אדמתך עד השמדך אשר לא ישאיר לך דגן תירוש ויצהר שגר אלפיו ועשתרת צאנך עד האבידו אתך

⁵² והצר לך בכל שעריך עד רדת חמתך הגבהות והבצרות אשר אתה בטח בהן בכל ארצך והצר לך בכל שעריך בכל ארצך אשר נתן יהוה אלהיך לך

⁵³ ואכלת פרי בטנך בשר בניך ובנתיך אשר נתן לך יהוה אלהיך במצור ובמצוק אשר יציק לך איבך

⁵⁴ האיש הרך בך והענג מאד תרע עינו באחיו ובאשת חיקו וביתר בניו אשר יותיה

⁵⁵ מתת לאחד מהם מבשר בניו אשר יאכל מבלי השאיר לו כל במצור ובמצוק אשר יציק לך איבך בכל שעריך

⁵⁶ הרכה בך והענגה אשר לא נסתה כף רגלה הצג על הארץ מהתענג ומרר תרע עינה באיש חיקה ובבנה ובבתה

⁵⁷ ובשליטה היוצת מבין רגליה ובבניה אשר תלד כי תאכלם בחסר כל בסתר במצור ובמצוק אשר יציק לך איבך בשעריך

⁵⁸ אם לא תשמר לעשות את כל דברי התורה הזאת הכתובים בספר הזה ליראה את השם הנכבד והנורא הזה את יהוה אלהיך

⁵⁹ והפלא יהוה את מכתך ואת מכות זרעך מכות גדלות ונאמנות וחלים רעים ונאמנים

⁶⁰ והשיב בך את כל מדוה מצרים אשר יגרת מפניהם ודבקו בך

⁶¹ גם כל חלי וכל מכה אשר לא כתוב בספר התורה הזאת יעלם יהוה עליך עד השמדך

⁶² ונשאתם במתי מעט תחת אשר הייתם ככוכבי השמים לרב כי לא שמעת בקול יהוה אלהיך

⁶³ והיה כאשר שש יהוה עליכם להיטיב אתכם ולהרבות אתכם כן ישיש יהוה עליכם להאביד אתכם ולהשמיד אתכם ונסחתם מעל האדמה אשר אתה בא שמה לרשתה

⁶⁴ והפיצך יהוה בכל העמים מקצה הארץ ועד קצה הארץ ועבדת שם אלהים אחרים אשר לא ידעת אתה ואבתיך עץ ואבן

⁶⁵ ובגוים ההם לא תרגיע ולא יהיה מנוח לכף רגלך ונתן יהוה לך שם לב רגז וכליון עינים ודאבון נפש

⁶⁶ והיו חייך תלאים לך מנגד ופחדת לילה ויומם ולא תאמין בחיך

⁶⁷ בבקר תאמר מי יתן ערב ובערב תאמר מי יתן בקר מפחד לבבך אשר תפחד וממראה עיניך אשר תראה

⁶⁸ והשיבך יהוה מצרים באניות בדרך אשר אמרתי לך לא תסיף עוד לראתה והתמכרתם שם לאיביך לעבדים ולשפחות ואין קנח

הפרק 29

אלה דברי הברית אשר צוה יהוה את משה לכתר את בני ישראל בארץ מואב מלבד הברית אשר כרת אתם בחרב

² ויקרא משה אל כל ישראל ויאמר אלהם אתם ראיתם את כל אשר עשה יהוה לעיניכם בארץ מצרים לפרעה ולכל עבדיו ולכל ארצו

³ המסות הגדלת אשר ראו עיניך האתה והמפתים הגדלים ההם

⁴ ולא נתן יהוה לכם לב לדעת ועינים לראות ואזנים לשמע עד היום הזה

⁵ ואולך אתכם ארבעים שנה במדבר לא בלו שלמתיכם מעליכם ונעלך לא בלתה מעל רגלך

⁶ לחם לא אכלתם ויין ושכר לא שתיתם למען תדעו כי אני יהוה אלהיכם

⁷ ותבאו אל המקום הזה ויצא סיחן מלך חשבון ועוג מלך הבשן לקראתנו למלחמה ונכם

⁸ ונקח את ארצם ונתנה לנחלה לראובני ולגדי ולחצי שבט המנשי

⁹ ושמרתם את דברי הברית הזאת ועשיתם אתם למען תשכילו את כל אשר תעשון

¹⁰ אתם נצבים היום כלכם לפני יהוה אלהיכם ראשיכם שבטיכם זקניכם ושטריכם כל איש ישראל

¹¹ טפכם נשיכם וגרך אשר בקרב מחניך מחטב עציך עד שאב מימיך

¹² לעברך בברית יהוה אלהיך ובאלתו אשר יהוה אלהיך כרת עמך היום

¹³ למען הקים אתך היום לו לעם והוא יהיה לך לאלהים כאשר דבר לך וכאשר נשבע לאבתיך לאברהם ליצחק וליעקב

¹⁴ ולא אתכם לבדכם אנכי כרת את הברית הזאת ואת האלה הזאת

¹⁵ כי את אשר ישנו פה עמנו עמד היום לפני יהוה אלהינו ואת אשר איננו פה עמנו היום

¹⁶ כי אתם ידעתם את אשר ישבנו בארץ מצרים ואת אשר עברנו בקרב הגוים אשר עברתם

¹⁷ ותראו את שקוציהם ואת גלליהם עץ ואבן כסף וזהב אשר עמהם

¹⁸ פן יש בכם איש או אשה או משפחה או שבט אשר לבבו פנה היום מעם יהוה אלהינו ללכת לעבד את אלהי הגוים ההם פן יש בכם שרש פרה ראש ולענה

¹⁹ והיה בשמעו את דברי האלה הזאת והתברך בלבבו לאמר שלום יהיה לי כי בשררות לבי אך למען ספות הרוה את הצמאה

²⁰ לא יאבה יהוה סלח לו כי אז יעשן אף יהוה וקנאתו באיש ההוא ורצצה בו כל האלה הכתובה בספר הזה ומחה יהוה את שמו מתחת השמים

²¹ והבדילו יהוה לרעה מכל שבטי ישראל ככל אלות הברית הכתובה בספר התורה הזה

²² ואמר הדור האחרון בניכם אשר יקומו מאחריכם והנכרי אשר יבא מארץ רחוקה וראו את מכות הארץ ההוא ואת תחלואיה אשר חלה יהוה בה

²³ גפרית ומלח שרפה כל ארצה לא תזרע ולא תצמח ולא יעלה בה כל עשב כמהפכת סדם ועמרה אדמה וצביים אשר הפך יהוה באפו ובחמתו

²⁴ ואמרו כל הגוים על מה עשה יהוה ככה לארץ הזאת מה חרי האף הגדול הזה

²⁵ ואמרו על אשר עזבו את ברית יהוה אלהי אבתם אשר כרת עמם בהוציאו אתם מארץ מצרים

²⁶ וילכו ויעבדו אלהים אחרים וישתחוו להם אלהים אשר לא ידעום ולא חלק להם

²⁷ ויחר אף יהוה בארץ ההוא להביא עליה את כל הקללה הכתובה בספר הזה

²⁸ ויתשם יהוה מעל אדמתם באף ובחמה ובקצף גדול וישלכם אל ארץ אחרת כיום הזה

²⁹ הנסתרת ליהוה אלהינו והנגלת לנו ולבנינו עד עולם לעשות את כל דברי התורה הזאת

הפרק 30

יהיה כי יבאו עליך כל הדברים האלה הברכה והקללה אשר נתתי לפניך והשבת אל לבבך בכל הגוים אשר הדיחך יהוה אלהיך שמה

² ושבת עד יהוה אלהיך ושמעת בקולו ככל אשר אנכי מצוך היום ואתה ובניך בכל לבבך ובכל נפשך

³ ושב יהוה אלהיך את שבותך ורחמך ושב וקבצך מכל העמים אשר הפיצך יהוה אלהיך שמה

⁴ אם יהיה נדחך בקצה השמים משם יקבצך יהוה אלהיך ומשם יקחך

⁵ והביאך יהוה אלהיך אל הארץ אשר ירשו אבותיך וירשתה והיטבך והרבך מאבותיך

⁶ ומל יהוה אלהיך את לבבך ואת לבב זרעך לאהבה את יהוה אלהיך בכל לבבך ובכל נפשך למען חיך

⁷ ונתן יהוה אלהיך את כל האלות האלה על איביך ועל שנאיך אשר רדפוך

⁸ ואתה תשוב ושמעת בקול יהוה ועשית את כל מצותיו אשר אנכי מצוך היום

⁹ והותירך יהוה אלהיך בכל מעשה ידך בפרי בטנך ובפרי בהמתך ובפרי אדמתך לטובה כי ישוב יהוה לשוש עליך לטוב כאשר שש על אבותיך

¹⁰ כי תשמע בקול יהוה אלהיך לשמר מצותיו וחקתיו הכתובה בספר התורה הזה כי תשוב אל יהוה אלהיך בכל לבבך ובכל נפשך

¹¹ כי המצוה הזאת אשר אנכי מצוך היום לא נפלאה הוא ממך ולא רחקה הוא

¹² לא בשמים הוא לאמר מי יעלה לנו השמימה ויקחה לנו וישמענו אתה ונעשנה

¹³ ולא מעבר לים הוא לאמר מי יעבר לנו אל עבר הים ויקחה לנו וישמענו אתה ונעשנה

¹⁴ כי קרוב אליך הדבר מאד בפיו ובלבבך לעשותו

¹⁵ ראה נתתי לפניך היום את החיים ואת הטוב ואת המות ואת הרע

¹⁶ אשר אנכי מצוך היום לאהבה את יהוה אלהיך ללכת בדרכיו ולשמר מצותיו וחקתיו ומשפטיו וחיית

ורבית וברכך יהוה אלהיך בארץ אשר אתה בא שמה לרשתה
¹⁷ואם יפנה לבבך ולא תשמע ונדחת והשתחוית לאלהים אחרים ועבדתם
¹⁸הגדתי לכם היום כי אבד תאבדון לא תאריכן ימים על האדמה אשר עבר את הירדן לבא שמה לרשתה
¹⁹העידתי בכם היום את השמים ואת הארץ החיים והמות נתתי לפניך הברכה והקללה ובחרת בחיים למען תחיה אתה וזרעך
²⁰לאהבה את יהוה אלהיך לשמע בקלו ולדבקה בו כי הוא חיך וארך ימך לשבת על האדמה אשר נשבע יהוה לאבתך לאברהם ליצחק וליעקב לתת להם

הפרק 31

ילך משה וידבר את הדברים האלה אל כל ישראל
²ויאמר אלהם בן מאה ועשרים שנה אנכי היום לא אוכל עוד לצאת ולבוא ויהוה אמר אלי לא תעבר את הירדן הזה
³יהוה אלהיך הוא עבר לפניך הוא ישמיד את הגוים האלה מלפניך וירשתם יהושע הוא עבר לפניך כאשר דבר יהוה
⁴ועשה יהוה להם כאשר עשה לסיחון ולעוג מלכי האמרי ולארצם אשר השמיד אתם
⁵ונתנם יהוה לפניכם ועשיתם להם ככל המצוה אשר צויתי אתכם
⁶חזקו ואמצו אל תיראו ואל תערצו מפניהם כי יהוה אלהיך הוא ההלך עמך לא ירפך ולא יעזבך
⁷ויקרא משה ליהושע ויאמר אליו לעיני כל ישראל חזק ואמץ כי אתה תבוא את העם הזה אל הארץ אשר נשבע יהוה לאבתם לתת להם ואתה תנחילנה אותם
⁸יהוה הוא ההלך לפניך הוא יהיה עמך לא ירפך ולא יעזבך לא תירא ולא תחת
⁹ויכתב משה את התורה הזאת ויתנה אל הכהנים בני לוי הנשאים את ארון ברית יהוה ואל כל זקני ישראל
¹⁰ויצו משה אותם לאמר מקץ שבע שנים במעד שנת השמטה בחג הסכות
¹¹בבוא כל ישראל לראות את פני יהוה אלהיך במקום אשר יבחר תקרא את התורה הזאת נגד כל ישראל באזניהם
¹²הקהל את העם האנשים והנשים והטף וגרך אשר בשערך למען ישמעו ולמען ילמדו ויראו את יהוה אלהיכם ושמרו לעשות את כל דברי התורה הזאת
¹³ובניהם אשר לא ידעו ישמעו ולמדו ליראה את יהוה אלהיכם כל הימים אשר אתם חיים על האדמה אשר אתם עברים את הירדן שמה לרשתה
¹⁴ויאמר יהוה אל משה הן קרבו ימך למות קרא את יהושע והתיצבו באהל מועד ואצונו וילך משה ויהושע ויתיצבו באהל מועד
¹⁵וירא יהוה באהל בעמוד ענן ויעמד עמוד הענן על פתח האהל
¹⁶ויאמר יהוה אל משה הנך שכב עם אבתיך וקם העם הזה וזנה אחרי אלהי נכר הארץ אשר בא שמה בקרבו ועזבני והפר את בריתי אשר כרתי אתו
¹⁷וחרה אפי בו ביום ההוא ועזבתים והסתרתני פני מהם והיה לאכל ומצאאו רעות רבות וצרות ואמר ביום ההוא הלא על כי אין אלהי בקרבי מצאוני הרעות האלה
¹⁸ואנכי הסתר אסתיר פני ביום ההוא על כל הרעה אשר עשה כי פנה אל אלהים אחרים
¹⁹ועתה כתבו לכם את השירה הזאת ולמדה את בני ישראל שימה בפיהם למען תהיה לי השירה הזאת לעד בבני ישראל
²⁰כי אביאנו אל האדמה אשר נשבעתי לאבתיו זבת חלב ודבש ואכל ושבע ודשן ופנה אל אלהים אחרים ועבדום ונאצוני והפר את בריתי
²¹והיה כי תמצאן אתו רעות רבות וצרות וענתה השירה הזאת לפניו לעד כי לא תשכח מפי זרעו כי ידעתי את יצרו אשר הוא עשה היום בטרם אביאנו אל הארץ אשר נשבעתי

²²ויכתב משה את השירה הזאת ביום ההוא וילמדה את בני ישראל
²³ויצו את יהושע בן נון ויאמר חזק ואמץ כי אתה תביא את בני ישראל אל הארץ אשר נשבעתי להם
ואנכי אהיה עמך
²⁴ויהי ככלות משה לכתב את דברי התורה הזאת על ספר עד תמם
²⁵ויצו משה את הלויים נשאי ארון ברית יהוה לאמור
²⁶לקח את ספר התורה הזה ושמרתם אותו מצד ארון ברית יהוה אלהיכם והיה שם בך לעד
²⁷כי אנכי ידעתי את מריך ואת ערפך הקשה הן בעודני חי עמכם היום ממרים היתם עם יהוה ואף כי
אחרי מותי
²⁸הקהילו אלי את כל זקני שבטיכם ושטריכם ואדברה באזניהם את הדברים האלה ואעידה בם את
השמים ואת הארץ
²⁹כי ידעתי אחרי מותי כי השחת תשחתון וסרתם מן הדרך אשר צויתי אתכם וקראת אתכם הרעה
באחרית הימים כי תעשו את הרע בעיני יהוה להכעיסו במעשה ידיכם
³⁰וידבר משה באזני כל קהל ישראל את דברי השירה הזאת עד תמם

הפרק 32

האזינו השמים ואדברה ותשמע הארץ אמרי פי!
²יערף כמטר לקחי תזל כטל אמרתי כשעירים עלי דשא וכרביבים עלי עשב
³כי שם יהוה אקרא הבו גדל לאלהינו
⁴הצור תמים פעלו כי כל דרכיו משפט אל אמונה ואין עול צדיק וישר הוא
⁵שחת לו לא בניו מומם דור עקש ופתלתל
⁶ה ליהוה תגמלו זאת עם נבל ולא חכם הלוא הוא אביך קנך הוא עשך ויכננך
⁷זכר ימות עולם בינו שנות דור ודור שאל אביך ויגדך זקניך ויאמרו לך
⁸בהנחל עליון גוים בהפרידו בני אדם יצב גבלת עמים למספר בני ישראל
⁹כי חלק יהוה עמו יעקב חבל נחלתו
¹⁰ימצאהו בארץ מדבר ובתהו ילל ישמן יסבבנהו יבוננהו יצרנהו כאישון עינו
¹¹כנשר יעיר קנו על גוזליו ירחף יפרש כנפיו יקחהו ישאהו על אברתו
¹²יהוה בדד ינחנו ואין עמו אל נכר
¹³ירכבהו על במותי ארץ ויאכל תנובת שדי וינקהו דבש מסלע ושמן מחלמיש צור
¹⁴חמאת בקר וחלב צאן עם חלב כרים ואילים בני בשן ועתודים עם חלב כליות חטה ודם ענב
תשתה חמר
¹⁵וישמן ישרון ויבעט שמנת עבית כשית ויטש אלוה עשהו ויגבל צור ישעתו
¹⁶יקנאהו בזרים בתועבת יכעיסהו
¹⁷יזבחו לשדים לא אלה אלהים לא ידעום חדשים מקרב באו לא שערום אבתיכם
¹⁸צור ילדך תשי ותשכח אל מחללק
¹⁹וירא יהוה וינאץ מכעס בניו ובנתיו
²⁰ויאמר אסתירה פני מהם אראה מה אחריתם כי דור תהפכת המה בנים לא אמן בם
²¹הם קנאוני בלא אל כעסוני בהבליהם ואני אקניאם בלא עם בגוי נבל אכעיסם
²²כי אש קדחה באפי ותיקד עד שאול תחתית ותאכל ארץ ויבלה ותלהט מוסדי הרים
²³אספה עלימו רעות חצי אכלה בם
²⁴מזי רעב ולחמי רשף וקטב מרירי ושן בהמות אשלח בם עם חמת זחלי עפר
²⁵מחוץ תשכל חרב ומחדרים אימה גם בחור גם בתולה יונק עם איש שיבח
²⁶אמרתי אפאיהם אשביתה מאנוש זכרם
²⁷לולי כעס אויב אגור פן ינכרו צרימו פן יאמרו ידינו רמה ולא יהוה פעל כל זאת

²⁸כי גוי אבד עצות המה ואין בהם תבונה
²⁹לו חכמו ישכילו זאת יבינו לאחריתם
³⁰איכה ירדף אחד אלף ושנים יניסו רבבה אם לא כי צורם מכרם ויהוה הסגירם
³¹כי לא כצורנו צורם ואיבינו פלילים
³²כי מגפן סדם גפנם ומשדמת עמרה ענבמו ענבי רוש אשכלת מררת למו
³³חמת תנינם יינם וראש פתנים אכזר
³⁴הלא הוא כמס עמדי חתם באוצרת:
³⁵לי נקם ושלם לעת תמוט רגלם כי קרוב יום אידם וחש עתדת למו
³⁶כי ידין יהוה עמו ועל עבדיו יתנחם כי יראה כי אזלת יד ואפס עצור ועזוב
³⁷ואמר אי אלהימו צור חסיו בו
³⁸אשר חלב זבחימו יאכלו ישתו יין נסיכם יקומו ויעזרכם יהי עליכם סתרה
³⁹ראו עתה כי אני הוא ואין אלהים עמדי אני אמית ואחיה מחצתי ואני ארפא ואין מידי מציל
⁴⁰כי אשא אל שמים ידי ואמרתי חי אנכי לעלם
⁴¹אם שנותי ברק חרבי ותאחז במשפט ידי אשיב נקם לצרי ולמשנאי אשלם
⁴²אשכיר חצי מדם וחרבי תאכל בשר מדם חלל ושביה מראש פרעות אויב
⁴³הרנינו גוים עמו כי דם עבדיו יקום ונקם ישיב לצריו וכפר אדמתו עמו
⁴⁴ויבא משה וידבר את כל דברי השירה הזאת באזני העם הוא והושע בן נון
⁴⁵ויכל משה לדבר את כל הדברים האלה אל כל ישראל
⁴⁶ויאמר אלהם שימו לבבכם לכל הדברים אשר אנכי מעיד בכם היום אשר תצום את בניכם לשמר
לעשות את כל דברי התורה הזאת
⁴⁷כי לא דבר רק הוא מכם כי הוא חייכם ובדבר הזה תאריכו ימים על האדמה אשר אתם עברים את
הירדן שמה לרשתה
⁴⁸וידבר יהוה אל משה בעצם היום הזה לאמר
⁴⁹עלה אל הר העברים הזה הר נבו אשר בארץ מואב אשר על פני ירחו וראה את ארץ כנען אשר אני
נתן לבני ישראל לאחזה
⁵⁰ומת בהר אשר אתה עלה שמה והאסף אל עמיך כאשר מת אהרן אחיך בהר ההר ויאסף אל עמי
⁵¹על אשר מעלתם בי בתוך בני ישראל במי מריבת קדש מדבר צן על אשר לא קדשתם אותי בתוך
בני ישראל
⁵²כי מנגד תראה את הארץ ושמה לא תבוא אל הארץ אשר אני נתן לבני ישראל

הפרק 33

זאת הברכה אשר ברך משה איש האלהים את בני ישראל לפני מותו
²ויאמר יהוה מסיני בא וזרח משעיר למו הופיע מהר פארן ואתה מרבבת קדש מימינו אש דת למו
³אף חבב עמים כל קדשיו בידך והם תכו לרגלך ישא מדברתיך
⁴תורה צוה לנו משה מורשה קהלת יעקב
⁵ויהי בישרון מלך בהתאסף ראשי עם יחד שבטי ישראל
⁶יחי ראובן ואל ימת ויהי מתיו מספר
⁷וזאת ליהודה ויאמר שמע יהוה קול יהודה ואל עמו תביאנו ידיו רב לו ועזר מצריו תהיה
⁸וללוי אמר תמיך ואוריך לאיש חסידך אשר נסיתו במסה תריבהו על מי מריבה
⁹האמר לאביו ולאמו לא ראיתיו ואת אחיו לא הכיר ואת בנו לא ידע כי שמרו אמרתך ובריתך ינצרו
¹⁰יורו משפטיך ליעקב ותורתך לישראל ישימו קטורה באפך וכליל על מזבחך
¹¹ברך יהוה חילו ופעל ידיו תרצה מחץ מתנים קמיו ומשנאיו מן יקומו

¹²לַבְּנִימָן אָמַר יְדִיד יְהוָה יִשְׁכֵּן לְבֶטֶח עָלָיו חֲפָף עָלָיו כָּל הַיּוֹם וּבֵין כְּתִיפָיו שֹׁכֵן
¹³וְלִיוֹסֵף אָמַר מִבְּרַכַּת יְהוָה אֲרָצוֹ מִמַּגֵּד שָׁמַיִם מִטֵּל וּמִתְהוֹם רִבְצַת תַּחַת
¹⁴וּמִמַּגֵּד תְּבוּאָת שֶׁמֶשׁ וּמִמַּגֵּד גֶּרֶשׁ יִרְחִים
¹⁵וּמִרָאשׁ הָרָרִי קֶדֶם וּמִמַּגֵּד גִּבְעוֹת עוֹלָם
¹⁶וּמִמַּגֵּד אֶרֶץ וּמִלֵּאָה וּרְצוֹן שֹׁכֵן סֵנָה תְּבוּאָתָהּ לִרָאשׁ יוֹסֵף וּלְקִדְקֵד נֹזֵר אַחִיו
¹⁷בְּכוֹר שׁוֹרוֹ הָדָר לוֹ וְקִרְנֵי רֹאשׁ קִרְנָיו בָּהֶם עַמִּים יִגָּח יִחַדּוּ אֶפְסֵי אֶרֶץ וְהֵם רַבְבוֹת אִפְרַיִם וְהֵם אֶלְפֵי
מִנְשָׁח
¹⁸וּלְזִבּוֹלֵן אָמַר שֶׁמֶח זִבּוֹלֵן בְּצִאתְךָ וְיִשְׁשַׁכֵּר בְּאַהֲלֶיךָ
¹⁹עַמִּים הָרִי יִקְרָאוּ שֵׁם יִזְבְּחוּ זִבְחֵי צֶדֶק כִּי שִׁפְעַת יָמִים יִינָקוּ וּשְׁפוּנֵי טְמוּנֵי חוֹל
²⁰וְלִגֵּד אָמַר בְּרוּךְ מִרְחִיב גֵּד כְּלָבִיא שֹׁכֵן וְטֶרֶף זֶרֶע אֵף קִדְקֵד:
²¹וְיִרְאֵה רֹאשִׁית לוֹ כִּי שֵׁם חִלְקֶת מַחֲקֵק סִפּוֹן וְיִתָּא רֹאשִׁי עִם צִדְקַת יְהוָה עֲשֵׂה וּמִשְׁפָּטָיו עִם יִשְׂרָאֵל
²²וְלִדָּן אָמַר דָּן גּוֹר אֲרִיָּה יִזְנֹק מִן הַבֶּשֶׂן
²³וְלִנְפֹתְלִי אָמַר נִפְתָּלִי שֶׁבַע רְצוֹן וּמִלֵּא בְּרַכַּת יְהוָה יָם וּדְרוֹם יִרְשֶׁה
²⁴וְלֹאֲשֶׁר אָמַר בְּרוּךְ מִבְּנִים אֲשֶׁר יִהְיֶה רְצוֹן אַחִיו וְטָבֵל בְּשֶׁמֶן רִגְלוֹ
²⁵בְּרִזָּל וְנַחֲשֶׁת מִנְעֲלֶיךָ וְכִימִיךָ דְּבִאֵךְ
²⁶אֵין כָּאֵל יִשְׂרָאֵל רֶכֶב שָׁמַיִם בַּעֲזֹרְךָ וּבִגְאוּתוֹ שְׁחָקִים
²⁷מִעֲנֵה אֱלֹהֵי קֶדֶם וּמִתַּחַת זֶרַעַת עוֹלָם וּיְגַרֵשׁ מִפְּנֵיךְ אוֹיֵב וְיֹאמַר הִשְׁמַד:
²⁸וְיִשְׁכֵּן יִשְׂרָאֵל בְּטַח בְּדֵד עֵין יַעֲקֹב אֵל אֶרֶץ דָּגָן וְתִירוֹשׁ אֵף שְׁמִיּוֹ יַעֲרֶפוּ טַל
²⁹אֲשֶׁרִיךְ יִשְׂרָאֵל מִי כִמּוֹךְ עִם נוֹשַׁע בִּיהוָה מִגֵּן עֲזֹרְךָ וְאֲשֶׁר חָרַב גְּאוּתְךָ וְיִכְחָשׁוּ אִיבֶיךָ לָךְ וְאַתָּה עַל
בְּמוֹתֵימוֹ תִּדְרֹךְ

הפרק 34

יַעֲלֵ מֹשֶׁה מִעֶרְבֶת מוֹאָב אֶל הָרִי נְבוֹ רֹאשׁ הַפְּסָגָה אֲשֶׁר עַל פְּנֵי יִרְחוֹ וְיִרְאֶהוּ יְהוָה אֶת כָּל הָאָרֶץ אֶת
הַגִּלְעָד עַד דָּן
²וְאַתָּה כָּל נִפְתָּלִי וְאַתָּה אֶרֶץ אִפְרַיִם וּמִנְשָׁה וְאַתָּה כָּל אֶרֶץ יְהוּדָה עַד הַיָּם הָאֲחֵרוֹן
³וְאַתָּה הַנֶּגֶב וְאַתָּה הַכֶּכֶר בִּקְעַת יִרְחוֹ עִיר הַתְּמָרִים עַד צֶעַר
⁴וְיֹאמַר יְהוָה אֱלֹהֵי זֶאת הָאָרֶץ אֲשֶׁר נִשְׁבַּעְתִּי לְאַבְרָהָם לֵיצְחָק וְלִיעֲקֹב לֵאמֹר לְזֶרַעְךָ אֶתְנַנֶּה הָרְאִיתִיךָ
בְּעֵינֶיךָ וְשָׁמָּה לֹא תַעֲבֹד
⁵וַיִּמַּת שֵׁם מֹשֶׁה עֶבֶד יְהוָה בָּאָרֶץ מוֹאָב עַל פִּי יְהוָה
⁶וַיִּקְבֹּר אֹתוֹ בְּגִי בָאָרֶץ מוֹאָב מוֹל בֵּית פְּעוֹר וְלֹא יָדַע אִישׁ אֶת קְבֻרָתוֹ עַד הַיּוֹם הַזֶּה
⁷וּמֹשֶׁה בֶּן מֵאָה וְעֶשְׂרִים שָׁנָה בָּמָתוֹ לֹא כָהָתָה עֵינָיו וְלֹא נָס לֶחָם
⁸וַיָּבֹכּוּ בְנֵי יִשְׂרָאֵל אֶת מֹשֶׁה בְּעֶרְבֶת מוֹאָב שְׁלֹשִׁים יוֹם וַיִּתְּמוּ יָמָיו בְּכִי אֲבֵל מֹשֶׁה
⁹וַיְהִי־שׁוּעַ בֶּן נֹון מִלֵּא רוּחַ חֲכָמָה כִּי סָמַךְ מֹשֶׁה אֶת יָדָיו עָלָיו וַיִּשְׁמְעוּ אֱלֹהֵי בְנֵי יִשְׂרָאֵל וַיַּעֲשׂוּ כְּאֲשֶׁר צִוָּה
יְהוָה אֶת מֹשֶׁה
¹⁰וְלֹא קָם נְבִיא עוֹד בְּיִשְׂרָאֵל כְּמֹשֶׁה אֲשֶׁר יָדְעוּ יְהוָה פָּנִים אֶל פָּנִים
¹¹לְכָל הָאֲתוֹת וְהַמוֹפְתִים אֲשֶׁר שָׁלְחוּ יְהוָה לַעֲשׂוֹת בָּאָרֶץ מִצְרַיִם לַפְּרָעָה וּלְכָל עֲבָדָיו וּלְכָל אֲרָצוֹ
¹²וּלְכָל הַיָּד הַחֲזָקָה וּלְכָל הַמּוֹרָא הַגָּדוֹל אֲשֶׁר עֲשֵׂה מֹשֶׁה לַעֲיֵנִי כָּל יִשְׂרָאֵל